

讀史方輿紀要卷二十一 宛溪顧氏原本

崑山顧祖禹景范輯著 南昌彭元瑞芸楣校定

江南

補注

江寧府

東北至鎮江府二百里西南至太平府一百二
百四十五里西至和州一百三十里西北至滁州一
百四十五里東北至揚州府二百
二十里至京師二千五百五十里

禹貢揚州之域春秋時吳地

舊志云左傳長岸地也按昭十七年吳伐楚司

馬子魚戰於長岸大敗吳師獲其乘舟餘皇杜氏曰長岸楚地或以為在今無為州濱江此不言所在之地蓋傳疑耳戰國屬越後屬楚楚威王初置金陵邑相傳因地

有王氣埋金鎖之故名

秦改曰秣陵屬鄣郡漢初屬荆國後屬

吳又屬江都國元封初屬丹陽郡

丹陽圖自句容以西屬鄣郡以東屬

讀史方輿紀要

卷二十一 江南

敷文閣

會稽郡元封二年始改鄣郡為丹陽

後漢因之孫吳自京口徙都此改

秣陵曰建業

建安十六年孫權所改

晉平吳移置丹陽郡兼置

揚州治焉

時改建業曰建鄴

元帝都建業

建興初避愍帝諱又改建鄴曰建康

改丹陽太守為尹宋齊梁陳因之隋平陳郡廢於石頭城置蔣州大業三年復曰丹陽郡唐武德三年置

揚州七年改為蔣州八年復為揚州置大都督府九年揚州移治江都

以金陵諸邑分屬宣潤二州至德二載置江寧

郡乾元元年改為昇州

時又置浙西節度使治焉

上元初州廢大

順元年復置唐末楊氏於昇州建大都督府五代梁

貞明三年徐溫徙鎮海軍治昇州六年改為金陵府

石晉天福二年南唐李氏都之改爲江寧府謂之西都而以

江都爲東都宋復爲昇州天禧二年升爲江寧府建康軍

節度仁宗初封昇王也建炎三年改爲建康府靖建行都置行宮留守

元爲建康路至元二十二年自杭州移江南諸道行御史臺治此天歷二年改

爲集慶路元史云以文宗潛邸故也明初定都於此曰應天府領

縣八今改爲江寧府

府前據大江自金陵北向則大江當其前南連重嶺牛首鴈門諸山憑高

據深形勢獨勝孫吳建都於此西引荆楚之固東集

吳會之粟以曹氏之強而不能爲兼并計也諸葛武

侯云金陵鍾山龍蟠石頭虎踞帝王之宅王導亦云

讀史方輿紀要卷二十一 江南二 二 敷文閣

經營四方此爲根本蓋舟車便利則無艱阻之虞田

野沃饒則有轉輸之藉金陵在東南言地利者自不

能舍此而他及也晉咸康中蘇峻入建康郗鑒自廣

陵起兵赴難遣間使至尋陽謂溫嶠曰或聞賊欲挾

天子東入會稽當先立營壘屯據要害旣防賊越逸

又斷賊糧運然後堅壁清野以待賊賊攻城不下野

無所掠東道旣斷糧運自絕必覆潰矣嶠從之峻繇

此敗宋元徽二年桂陽王休範自尋陽舉兵東下蕭

道成曰昔上流謀逆皆因淹緩致敗休範必遠懲前

失輕兵急下乘我無備今應變之術不宜遠出若偏

師失律大沮衆心宜頓新亭白下堅守宮城東府石頭以待賊至千里孤軍後無委積求戰不得自然瓦解

我請頓新亭以當其鋒征北守白下

時張永爲征北將軍

軍屯宣陽門

時劉劭爲領軍

爲諸軍節度破賊必矣從之休

範果敗梁敬帝初徐嗣徽以譙秦二州附於齊引齊兵入石頭攻建康陳霸先問計於韋載載曰齊師若分兵先據三吳之地畧地東境則時事去矣今急通東道轉輸分兵截彼之糧道則齊將之首旬日可致也霸先從之齊兵敗却隋末杜伏威據丹陽雄於江東其後輔公祏繼之幾成東南之患唐武氏之亂徐

讀史方輿

卷二十一

江南二

三

敷文閣

敬業等起兵揚州其黨薛仲璋曰金陵有王氣且大江天險足以爲固不如先取常潤爲定霸之基然後北向以圖中原進無不利退有所歸此良策也敬業從之至於敗亡蓋迷於事機而地利不足恃矣杜佑曰自孫吳以金陵立國其後晉宋踵其成轍猶能北問中原下逮梁陳雖疆土漸蹙而聲教所通尙爲四方繫望豈非東南都會恒在建康歟宋胡安國曰建康以三吳爲東門荆蜀爲西戶七閩二廣爲南府李綱曰建康控引二浙襟帶江淮漕運貯穀無不便利然必淮南有藩籬形勢之固然後建康爲可都後唐

李氏有淮南則可以都金陵其後淮南爲周世宗所取遂以削弱又言萬乘所居必擇形勢以爲駐蹕之所舉天下形勢而言關中爲上以東南形勢而言則當以建康爲便衛膚敏曰建康外連江淮內控湖海實爲東南要會張浚曰東南形勢莫重建康實爲中興之本張守曰建康自六朝爲帝王都江流險濶氣象雄偉據要會以經理中原依險阻以捍禦強敵可爲行都以待恢復而吳芾亦言於高宗曰建康控帶襄漢經畧淮甸請畱此以繫中原之望張劭亦言有中原之形勢有東南之形勢今縱未能遽爭中原宜

讀史方輿

卷二十一

江南二

四

敷文閣

進都金陵因江淮蜀漢閩廣之資以圖興復李光曰建康之地進可以戰退足以守自建康至姑熟一百八十里其隘可守者有六曰江寧鎮曰礪砂夾曰采石曰大信其上則有蕪湖繁昌皆與淮南對境其餘皆蘆篠之場或崎岸危磯水勢湍悍難施舟楫莫若預於諸隘屯兵積粟竭力固守時會一至卽北向以清中原王應麟曰金陵倚山帶江九州天險胡三省曰建康控制長江呼吸之間上下千里足以虎視吳楚應接梁宋蓋宋人不能忘情於中原故規畫建康爲最詳也明太祖初起兵馮國用進策曰金陵龍蟠

虎踞真帝王都願先拔金陵而定鼎然後命將四出
掃除羣寇天下不難定也太祖從之遂以廓清六合
然而用金陵者亦不可不知其方陳埜先嘗謂太祖
曰集慶右環大江左枕崇岡三面據水以山爲郭以
江爲池地勢險阻利於步戰若南據溧陽東擣鎮江
西扼太平據險阻絕糧道自可不戰而下故太祖定
太平卽命徐達等克溧水溧陽句容蕪湖乃攻集慶
而燕王破盛庸於浦子口見江浦縣諸將請徑薄京城王
曰鎮江咽喉之地若城守不下往來非便先下鎮江
彼勢益孤矣會鎮江守將來降乃趨京師埜先之言

讀史方輿

卷二十一 江南二

五

敷文閣

安在不可與郟鑿之策相衡而論哉

今府城卽明京城亦六朝時故都也舊志云吳大帝

築都城東晉至陳皆因之其城近覆舟山去秦淮五

里內爲宮城

建康宮闕簿吳大帝所築苑城也東晉以後亦曰宮城亦曰臺城亦曰苑城

周六里一百十步有門六

所謂臺城六門也宋武陵王駿討元凶劭劭兵敗閉

守六門梁侯景叛逼建康梁主分遣韋黯等屯六門又湘東王繹謂王僧辨六門之內自極兵威卽此

南曰大司馬門

宮苑記大司馬門南直宣陽門梁書侯景攻臺城縱火燒大司馬門及東

西華諸門又研東掖門羊侃擊却之旣而梁主幸大

司馬門又太子綱遣孟恭自大司馬門出盪恭降於

景其門內曰雲龍門則殿前正門也晉咸和三年蘇峻逼臺城羊曼勒兵守雲龍門宋景平二年徐羨之

等廢立引兵入雲龍門元嘉末元凶劭弑逆從萬春門入其黨張超之等馳入雲龍門及齋閣拔刃徑上

紀讀

史方輿

卷二十

江南二

六

敷文閣

合殿齊永明末中書郎王融欲矯詔立竟陵王子良以子良兵禁諸門蕭鸞亟馳至排雲龍門而入既而鸞弒鬱林王昭業自尚書省入雲龍門時國子祭酒江敦被召入宮至雲龍門托藥發吐車中而去又東昏侯末王珍國等謀行弒其黨開雲龍門引兵入殿梁天監二年謝朓詣雲龍門詔見於華林園是也建康實錄云宮牆第二重東面門曰雲東曰萬春門龍門對第三重宮牆之萬春門似悞東曰萬春門東門曰蒼龍門後改為東華門宮苑記晉之東掖萬春門在東面南頭東華門宮苑記晉西掖門後改為西華門曰西華門清三年侯景攻臺城為求和詔盟於西華門外大陽門步下西堂乘犢車出神虎門或曰即大陽門也梁書陶宏景脫朝服掛神虎門又侯景再攻臺城邵陵世子堅屯大陽門其書佐董勛等於城西樓引景眾登城城陷實錄又云神虎門宮牆第二重西面門亦曰神武對第三重宮牆之千秋門宮苑記宋元嘉二年於苑城東西立萬春千秋二北曰承明門齊改萬春為雲龍千秋為神虎似悞

門宋桂陽王休範之亂蕭道成在新亭以臺城危逼遣兵自石頭濟淮從承明門入衛宮省既而道成黨王敬則弒蒼梧王道成入自承明門梁侯景圍臺城江子一開承明門出與諸弟皆戰死是也又有南掖左掖右掖北掖及端門止車諸門蓋宮門名云晉桓元篡位聞桓謙等為義師所敗遂出南掖門西遁齊承元初始安王遙光叛據東府城左將軍沈約馳入西掖門尚書令徐孝嗣等共出南掖門二年崔慧景等作亂其將崔恭祖突入北掖門乃復出既而恭祖勸慧景燒北掖樓慧景不從時蕭懿屯南掖門處分城內三年蕭衍圍宮城別將楊公則屯領軍府壘北樓與南掖門相對城中以弩射之既而衍克臺城公則率麾下陳於南掖門梁天監初齊東昏侯嬖臣孫文明等率其徒入南掖門作亂燒神虎門總章觀入衛尉府敬帝初徐嗣徽據石頭引齊兵至闕下侯安都守臺城開東西掖門出戰大破之陳神明末隋將賀若弼來伐燒北掖門而入是也建康記六朝宮門正南曰端門梁時又置石闕於端門外又有東宮城在臺城東其南門曰承華東門曰安陽西門曰則天或曰奉化宋元凶劬弒逆呼左衛率袁淑停

車奉化門即西門也一云臺城六門大司馬外為都

門閶闔門萬春門廣莫門大通門千秋門也

城周二十里十九步有門十二晉自元帝渡江以後

各宋齊梁陳皆因而不改通釋晉初有宣陽門至成

帝作新宮始修都城開陵陽等五門與宣陽門為六

似十二門又後所增置唐許嵩建康實錄都城三

重外重六門宣陽廣陽津陽清陽建陽西明也

南曰宣陽門本洛陽南面西頭第二門各也晉太寧

門咸和三年蘇峻作亂庾亮率眾將陳於宣陽門內

隆安二年王敦殷仲堪自京口江陵舉兵逼建康焚

謝琰屯於宣陽門元興初桓元逼建康至新亭會稽

世子元顯陳於宣陽門外三年劉裕討元入建康詔

桓溫神主於宣陽門外宋桂陽王休範之亂蕭道成

將張敬兒斬休範將杜黑驟於宣陽門齊永元末蕭

衍東下王茂等敗東軍於大航長驅至宣陽門梁太

清二年侯景渡朱雀航入宣陽門是也宣陽之南五

里曰朱雀門又南六里宣陽之東曰平昌門宮苑記

為國門見後朱雀桁

紀要 卷二十 江南二 七 敷文閣

北面最東曰平昌門 又東曰開陽門宣陽之西曰津

陽門 實錄云宋元嘉二十五 正東曰東陽門東陽之

南曰清明門之北曰建陽門 亦曰建春門齊明帝時

南康侯子恪為各子恪從 正西曰西明門 一各白門

吳郡自歸達建陽門是也 正西曰西明門 宋元嘉二

年討徐羨之等殺害營陽廬陵之罪羨之承詔至西

明門外齊東昏侯末聞蕭衍克江郢云須來至白門

當一决既而衍使陳伯之屯西明門梁元帝初王僧

辦等討侯景景軍敗諸軍逐北至西明門景至關下

不敢入臺遂東走敬帝時徐嗣徽引齊兵逼建康陳

霸先出西明門大敗之是也金陵記建康西門曰白

門以方西明之南曰廣陽門 初曰陵陽門後改梁大

色名也 西明之南曰廣陽門 同七年吏部尚書蔡掇

除交趾并罷為廣陽門即 門之北曰閶闔門 實錄宮

謂之天門陳時謂之端門恐悞 北面之東曰廣莫

次東為閶闔門後改為南掖門俗

謂之天門陳時謂之端門恐悞

北面之東曰廣莫

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

謂之天門陳時謂之端門恐悞

門晉咸康初石虎南寇遊騎至歷陽帝觀兵廣莫門
以備之咸安末妖人盧悚晨攻廣莫門詐稱海西
公還繇雲詭門突入殿庭宋元嘉三年討傅亮廢殺
之罪殺之於廣莫門齊崔慧景之亂目鍾山西巖而
下入廣莫門是也又宋紀元嘉二十五年新作闔闔
廣莫二門旋改廣莫曰承明門蓋作都城之闔闔宮
城之廣莫西曰大夏門宮苑記都城十二門南四門
非此門也西曰大夏門最西曰陵陽後改廣陽正門
曰宣陽稍東曰開陽後改津陽最東曰清明東面二
門南曰東陽北曰建春後改建陽西二門南曰闔闔
北曰西明北四門西曰大夏中曰元武齊時改宣平
稍東曰廣莫陳改北捷最東曰延熹今考之與正史
不合又建康實錄與宮苑記所載宮
城及都城諸門參錯不一姑削之 又自晉以來於

秦淮南北兩岸設籬門五十六所謂之郊門亦曰籬

門宮苑記東晉以後建康城之外城惟設竹籬而有

六門齊高帝建元二年命改築都牆俗仍謂為籬

籬門永元初始安王遙光舉兵東府城詔左興盛屯東

籬門明年崔慧景作亂復遣左興盛拒之於北籬門

紀要 又蕭衍東下至新林分遣陳伯之等據西籬門又有

國門梁天監七年作在越城東南亦曰望國門侯景

入犯使羊侃領千 騎頓望國門是也 侯景入臺城前朝宮闕大都灰燼

陳時復加修葺至隋師入建康宮殿陵園城垣廬舍

悉皆平蕩六朝舊迹蔓草荒烟無僅存者矣 隋開皇

陳詔建康城邑宮室並平蕩耕墾更於石頭城中置

蔣州唐又廢州以其地屬潤州其後始更置州郡

楊吳時改築城垣跨秦淮南北周回二十五里 五代

貞明六年徐溫遣陳彥謙城金陵後唐長興三年徐

知誥復廣金陵城周二十里為八門東西南北四門

而外沂秦淮而東者曰上水門沿秦淮而西者曰下

水門西之南曰柵寨門舊鑿城立柵以通古運瀆元

時亦置閘以泄城內積水入江俗 內為子城 周四甲

呼為臆子口又西南為龍光門云 晉天福二年徐知

曰牙城有東西南 李氏從而都之 詔纂立改牙城曰

三門而無北門

紀要

讀史方輿

卷二十一

江南二

敷文閣

宮城大抵承楊吳之舊宋南渡後雖設行宮雷守而無

所增加宋於子城內置昇州治後為建康府治紹興

舊制模皆如明初建為京師更新城闕乃益廓而大之東

盡鍾山之麓西阻石頭之固志云自楊吳以來城西

初亦因北控湖山南臨長干而秦淮貫其中橫縮紆

徐周九十六里內則皇城奠焉在京城內之東正門

曰洪武門南直正東曰東安門西曰西安門殿基在

城外舊燕雀湖地其西安門以北宮牆即都城故址

東出青溪橋處也又有舊內城亦在京城宋紹興

二年即建康府治為行宮在東錦繡坊元至元二十

紀要

府於此尋為王府又建為皇宮比於皇城大內宮闕

成稱為舊內又今府治在西錦繡坊大元初故治也

後遷徙不一明都城凡十三門南曰正陽門正陽之

西曰通濟秦淮水繇此入又西曰聚寶本舊南門西

南則曰三山亦曰水西門秦淮下曰石城本舊西門

門太祖更名金陵邑考石城門即周顯王三十六年楚

威王所築金陵邑城之地也明初新京城唯南門

仍舊而易以新名北曰太平門太平之西曰神策又

西曰金川靖難師至李景曰鍾阜東曰朝陽門西曰

清涼門清涼之北曰定淮曰儀鳳後塞鍾阜儀鳳二

記都城自舊東門外截濠為城沿淮水北崇禮街地

開拓八里增南出門二曰通濟曰正陽自正陽以東

增東出門一曰朝陽自鍾山之麓圍繞而抵覆舟

山建北出門曰太平又西據覆舟雞鳴綠湖水以北

至直瀆山而西八里建北出門二曰神策曰金川自

金川北繞獅子山於中雉堞相向建門二曰鍾阜曰

讀史方輿

卷二十一 江南二

九

敷文閣

義鳳自儀鳳遷邕南建門二其外郭西北則依山

日定淮日清涼以接舊西門焉帶江東南則阻山控野周一百八十里

有門十六東面之門凡六曰姚坊僊鶴麒麟滄波高橋雙橋南面

之門凡六曰上方夾岡鳳臺馴象大安德小安德西

面之門一曰江東北面之門凡三日佛寧曰上元曰

觀音山川環列氣象宏偉誠東南都會也

上元縣附郭在府治東北本秦秣陵縣地吳曰建業晉平吳仍曰秣陵太康三年分秣陵北為建業尋

改業為鄴建興初又改曰建康後因之隋併為江寧縣唐初因之上元初改為上元縣今編戶二百三里

江寧縣附郭在府治西南本秦秣陵縣地晉太康二年分置臨江縣三年更名江寧在今縣西南六十

里後因之隋開皇十年徙治今城又省秣陵建康同夏三縣合為江寧縣唐武德三年改曰歸化八年改

讀史方輿卷二十 江寧二 十 敷文閣

紀要 日金陵明年又改為白下貞觀九年復曰江寧上元初改為上元天祐十四年楊氏復析上元置江寧縣

今因之編戶三十六坊廂七十四里

秣陵城在府東南五十里秦縣屬鄣郡志云始皇三

帝封江都易王子纏為侯邑尋屬丹陽郡建安四

年孫策渡江攻秣陵十七年權自京口徙秣陵改

為建業而舊治如故孫皓寶鼎初山賊施但自秣

陵逼建業諸葛靚迎擊之於九里汀晉永康中郗

隆為揚州刺史治秣陵沈約曰秣陵縣本治去京

邑六十里今各故治村義熙九年移治京邑之鬪

場元熙初又省揚州禁防參軍縣移治其處二年

劉裕受禪奉帝為零陵王即宮於故秣陵縣梁紹

泰二年徐嗣徽等引齊兵登蘇湖入丹陽至秣陵

故治此皆故秣陵城也胡氏曰今西州橋冷城之

間即晉元熙初移置秣陵縣之地實錄云在故臺

城南入里小長干巷內吳氏若曰故秣陵北抵句

容西抵建康防守最切其南即九里汀東入秦治

既田百餘頃宋置秣陵鎮在今秣陵橋東元置巡

司及稅務於此

建康城

在府治南本秦秣陵縣地江表傳張紘謂孫

接石頭秦始皇東巡望氣者言金陵地勢岡阜連

為都邑之氣故掘斷連岡改名秣陵今處所具有宜

安十七年劉備東過秣陵亦勸權居之獻帝春秋建

餘里可以安大船吾方理水軍當移據之尋改曰

建業吳赤烏十年繕修宮室改作太初宮居之王

氏曰建業本秣陵地非秣陵治也孫權作石頭城

因徙秣陵改置建業縣晉平吳復為秣陵太康三

年復分秣陵之水北置建鄴縣為丹陽郡治建興

初改曰建康宋白曰晉分秣陵為二邑自淮水南

為秣陵北為建業是也隋平陳省建康入

江寧元和志建康縣城在上元縣南二里

石頭城府西二里有石頭山輿地志山環七里一

有城相傳楚威王滅越置金陵於此圖經石頭

城在上元縣西四里南抵淮水當淮之口南開二

門東開一門其南門之西者曰西門又有石頭倉

城倉城之門曰倉門漢建安十六年孫權徙治秣

陵明年城石頭貯寶貨軍器於此諸葛武侯使建

業曰石頭虎踞王濬帥舟師過二山鼓譟入石頭孫

紀要

讀史方輿

卷二十一

江南二

十二

敷文閣

羊侃等入石頭京邑之禍始解永和八年以謝尚
戍石頭太和五年桓温伐袁粲於壽春使劉波鎮
守石頭隆安二年王恭復自京口叛桓元以江陵
之兵應恭進至橫江詔會稽世子元顯守石頭以
備之俄而元等至石頭丹陽尹王愷發京邑士民
拒守五年孫恩自海道奄至丹徒建康震駭命冠
軍將軍高素等守石頭元興三年劉裕討桓元元
潛具舟石頭聞桓謙等軍敗遂出南掖門西趣石
頭浮江南走裕入建康即徙屯石頭六年盧循入寇
裕以劉道憐為并州刺史戍石頭六年盧循入寇
建康劉裕方平南燕倍道馳還發民亟泊石頭城
議者謂宜分兵守諸津要裕曰賊眾我寡若分兵
屯守則人測虛實且一處失利則沮三軍之心今
聚眾石頭隨宜應赴既合彼無以測多少又於眾
力不分也既而循至淮口裕自屯石頭恐循侵軼
伐樹柵石頭淮口元興初劉裕以其子義真為揚
州刺史鎮石頭宋元嘉初以皇弟義宜鎮石頭三
十七年魏主燾入寇至瓜步聲言欲渡江詔太子
劭守石頭統水軍丹陽尹徐湛之守石頭倉城上
登石頭城有憂色三十年元凶劭弒逆逆濬在西

讀史方輿

卷二十一

江南二

三

敷文閣

州未得劭信時南平王鑠戍石頭濬從南門出徑
向石頭俄而劭馳騎召濬將軍王慶未知濬與劭
同謀勸濬曰太子反逆天下怨憤明公但當堅閉
城門坐食積粟不過三日凶黨自離矣濬不聽劭
使檀和之戍守石頭未幾武陵王駿自尋陽東討
劭黨蕭斌勸劭勒水軍自上流決戰江夏王義恭
恐南軍不利給劭曰駿遠來疲弊正宜以逸待之
割棄南岸柵斷石頭此先朝舊法也劭從之駿既
至或勸劭保石頭劭曰昔人所以固石頭者俟諸
侯勤王耳我若守此誰當見救惟應力戰決之又
元徽二年桂陽王休範自尋陽舉兵東下蕭道成
議堅守宮城東府石頭以待賊至因分遣沈懷明
戍石頭城昇明初中書監袁粲鎮石頭粲知蕭道
成有不臣之志陰欲圖之既而沈攸之舉兵江陵
粲欲為難道成遣戴僧靜自倉門入助烈等攻粲
敗死百姓歌為可憐石頭城者也三年道成封齊公
以石頭城為其世子宮一如東宮齊建元二年魏
人南侵詔內外募嚴徵南郡王長懋鎮石頭永元
三年張欣泰等謀廢立其黨迎建安王寶寅於石

頭向臺城望杜姥宅城門閉謀不得發眾遂潰既而蕭衍東下東昏侯使張瓌鎮石頭瓌旋東石頭還衍遂自新林移鎮石頭命諸軍攻六門未幾東昏侯為其下所弑國子博上范雲送其首詣石頭景梁太清二年侯景作亂詔西豐公大春守石頭景兵至闕下大春棄石頭奔京口別將彭文粲等以石頭降景景使其黨于悅守之既而景攻圍臺城久未下時景軍乏食東城米可支一年而援軍斷其路景乃佯為求和因運東城米入石頭攻圍愈急臺城遂陷承聖初王僧辨陳霸先討侯景自張公洲乘潮入淮景塞淮口又緣淮作城自石頭至於朱雀街十餘里中樓堞相望以拒官軍僧辨問計於霸先霸先日中樓堞相望以拒官軍僧辨竟不度岸賊登高望之表裏俱盡故能覆我師徒今圍石頭須度北岸乃於石頭西落星山築柵象軍次連入城直出石頭東北景恐西州路斷亦於石頭東北築五城以遏大路僧辨尋進軍於石頭將盧暉畧以石頭降敬帝初王僧辨立蕭淵明為帝屯石頭陳霸先自京口襲之其將侯安都亦自京口帥水軍趣石頭至城北棄舟登岸石頭城北接岡阜不甚危峻軍人捧安都投於女垣內眾隨而入霸先兵亦自南門入遂殺僧辨既而譙秦二州刺史徐嗣徽以州入齊導齊兵渡江據石頭陳霸先自義興馳還建康齊人度栗馬入石頭又於倉門水南立二柵與梁兵相拒霸先進兵攻二柵縱火焚之石頭城中無水霸先絕其南北汲路四面攻圍齊將柳達摩危懼請和而去陳大建二年復修石頭以貯軍食隋開皇九年平陳毀建康城邑更於石頭置蔣州晉王廣班師雷王韶鎮石頭委以後事唐初亦置蔣州於此武德四年為揚州治七年平輔公祏仍為蔣州八年建揚州大都督府治焉明年揚州移治江都此城遂廢武后光宅中徐敬業舉兵討武氏使其徒崔洪渡江守石頭敬業平因分軍戍此尋置為鎮仍徙縣倉實之建中四年時朱泚作亂江東觀察使韓滉築石頭修塢壁起建築抵京峴雉堞相望以自固又於城中穿井皆百尺元和二年李錡為鎮海節度使遣兵修築石頭謀據江左宋紹興初議者以建康城西隅據石頭岡阜之脊以立城其險與敵共當於石

頭故址修築堡塢使敵不敢據高臨下丹陽記石
頭城吳時悉土鳩義熙中始加磚累石因山為城
因江為池地形險固有奇勢亦謂之石首城六朝
記孫權緣淮立柵又於江岸必爭之地築城名曰
石頭常以腹心大臣鎮守今石城故基乃揚行密
時稍遷近南夾淮帶江以盡地利其形勢與長干
山連接又有石頭倉六朝時與太倉及常平倉為
三倉梁天監初江州別駕鄧縉說刺史陳伯之作
亂云臺城府藏空竭三倉無米是也張舜民曰石
頭城者天生城壁有如城然在清涼寺北覆舟山
上江行自北來者循石頭城轉入秦淮陸游曰龍
灣望石頭山不甚高然峭立江中繚繞如垣牆清
涼寺距石頭里許西望即宣化渡及歷陽諸山也
一統志今清涼報恩寺即石頭城之地楊吳各興
教寺南唐曰石城清涼寺明洪武中易今名云

江寧城

在府西南六十里晉武帝太康初分秣陵立
臨江縣二年更各江寧其治所臨江濱南為
江寧浦大寧二年王敦使王含等犯建康敗遁温
嶠等追之於江寧咸和初石勒將石聰寇淮南建

紀讀史方輿

卷二十

江南二

敷文閣

康大震詔王導軍於江寧劉宋元嘉末武陵王駿
討元凶劭使柳元景為前鋒元景以舟艦不堅倍
道兼行至丹陽步上旣而武陵王亦至江寧齊東
昏侯末蕭衍東下遣曹景宗等進頓江寧李居士
自新亭馳至江寧為景宗所敗梁敬帝時徐嗣徽
等據石頭與陳霸先戰不勝因往采石迎齊援軍
將還石頭霸先遣兵詣江寧據要險嗣徽等水步
不敢進頓於江寧浦口霸先遣侯安都帥水軍襲
破之金陵覽古云新亭去江寧十里宋白曰晉咸
和初以江外無事於南浦置縣今江寧縣南七十
里故城在焉隋開皇十年移於冶城自是故城遂
廢胡氏曰宋白所謂今縣乃天祐十四年楊吳所
置縣也其故城宋為江寧鎮呂氏社曰江寧鎮太
平入建康水陸之衝也其地去大城岡馬家渡尚
遠關係至重王敦蘇峻犯建康宋武帝駿梁武帝
衍起兵皆屯此今有江寧鎮巡司元至元十六年
明太祖自太平取集慶諸軍水陸並集至江寧鎮
收陳兆先營克之進圍集慶拔其城今江寧驛置
此於

臺城

在今上元縣治東北五里本吳後苑城也晉平

吳置建業縣於秣陵城北南渡建都依苑城以爲固太寧二年王敦使王含等入犯議者以苑城小而不固宜及含等軍勢未成出城拒戰鄒鑒以爲不可乃止咸和三年蘇峻作亂入臺城既而退遷帝於石頭逼劫居民聚之後苑使其黨匡術守苑城四年術以苑城來歸陶侃等推陸暕督宮城軍事命毛寶守南城鄧岳守西城宮城即苑城之別各南城西城即苑城南苑城西也既而蘇逸等并力來攻不能克及亂平宮闕灰燼以建平園爲宮五年復於臺城內作新宮八年宮成各建康宮自是亦謂之宮城宋元嘉三十年武陵王駿討元凶劭劭兵敗閉守臺城六門於門內鑿塹立柵諸軍攻克之元徽二年桂陽王休範自尋陽入犯至新林其將丁文豪請直攻臺城休範即遣文豪將兵趣臺城又城東有岡謂之臺岡蒼梧王末恒與左右於臺岡賭跳仍往青園尼寺晚至新安寺寺皆在臺城外也齊東昏侯末蕭衍鎮石頭命諸軍攻臺城東昏侯驅逼士民入城閉門自守衍合諸軍築長圍守之金陵記南北朝時建康無外城臺

讀史方輿

二十 江南二

五

敷文閣

城以外惟設六籬門而已百官第宅皆在臺城外有警輒侍臺城爲固梁天監七年於朱雀門外渡淮五里樹國門以示觀望又於端門之外立石闕凡四高五丈廣三丈六尺侯景亂後宮宇多爲灰燼而石闕猶存梁史太清二年侯景逼建康始命繕修宮城爲受敵之備繼又命韋照等分守宮城諸門及朝堂旣而景至列兵繞臺城百道進攻久之不能陷乃引元武湖水灌臺城闕前皆爲洪流明年景僞降而復叛乃決石闕前水百道攻城晝夜不息叛者引賊登城陷承聖初侯景爲王僧辨等所敗還至闕下不敢入臺仰觀石闕歎息久之遂東走僧辨遣杜崩入據臺城又宮城記吳時自宮門南出至朱雀門凡七八里府寺相屬自閭闔門北出承明門抵元武湖凡十餘里侯景之亂渡淮入宣陽門葉侃固守臺城以拒之景百道來攻不能克陳亦爲宮城隋平陳城邑故址悉皆毀壞唐光啟三年徐州叛將張雄屯揚州之東塘遣其黨趙暉據上元暉治南朝臺城而居之遂叛雄尋拔上元暉走外城亦旋廢宋淳熙十五年陳亮請經理建業言今之建業非昔之建業也臣嘗

登石頭鍾阜而望直在沙嘴傍耳鍾阜之支隴隱隱而下今行宮據其平處以臨城市城之前則逼山而斗絕焉此必後世之讀山經而相宅者之所定江南李氏之所為非有據高臨下以乘于氣而用之之意也本朝以至仁臨天下不恃險以為固故因而不廢耳臣嘗問之鍾阜之僧亦能言臺城在鍾阜之側大司馬門在今馬軍新營之旁其地據高臨下東環平岡以為固西城石頭以為重帶元武以為險擁秦淮清溪以為阻是以王氣可乘而運動如意若如今城則費侯景數日之力耳曹彬登長干兀木上雨花臺皆俯瞰城市雖飛鳥不能逃也南都志今四十八衛以南元津橋大街以北即臺城故處

冶城

在府西石城門外本吳冶鑄處六朝時有東西二冶以有罪者配焉郡國志王導移冶於石頭東鬪髀山以故地多園臺謂之西園太元十五年建冶城寺於此桓元入建康廢寺為西苑尋復故亦曰冶亭義熙十一年劉裕伐司馬休之於江陵以高陽內史劉鍾領石頭戍事屯冶亭又梁敬帝

紀要

讀史方輿

卷二十一

江南二

敷文閣

初徐嗣徽等據石頭陳霸先使徐度立柵於冶城以拒之嗣徽等來攻霸先自西明門出擊嗣徽大敗既而霸先對冶城立航悉度眾軍攻齊入石頭水南二柵拔之陳永定二年遣臨川王蔣西討王琳送之於冶城近石頭在六朝西明門外陸游曰今胡氏曰冶城近石頭在六朝西明門外陸游曰今天慶觀在冶城山麓金陵記冶城即今府治西北朝天宮楊吳之紫極宮宋之天慶觀也又有東冶亭在半山寺後自建康東門往蔣山至此半道因名晉太元中謝安為揚州袁宏為東揚州祖道治亭宋元嘉六年王裕之辭尚書令東還車駕幸東冶餞送王安石詩遙望鍾山岑應知冶城路謂東冶亭也

越城

在府南六里圖經在江寧縣南三里秦淮水南楚今遺址尚存亦名范蠡城人呼為越臺晉太寧二年王敦畔自于湖遣王含錢鳳奄至江寧南岸詔遣段秀乘夜渡水擊之大破之於越城義熙六年盧循至淮口劉裕修治越城使王仲德屯守齊

永元二年崔慧景逼臺城蕭懿自小岷入援自采石濟江頓越城舉火城中鼓呼稱慶明年蕭衍東下至新林命王茂進據越城是也宋呂祖曰越王城故基與長干相接憑高下瞰城內為與敵分險處宋初曹彬下江南登長干北望金陵問其地曰伏龜案也督軍攻之南城遂陷今府西南聚寶門外曰長干里其間民居稠密大報恩寺在焉江東人謂山隴間曰干有大長干小長干東長干之名城址與長干山相連形勢特重金陵記長干寺在長干里中北去上元縣治五里梁大同三年修長干寺阿育王塔是也宋曰天禧寺即此圖經越城在長宋人謂建康城南直天禧寺即此圖經越城在長干橋西周迴二里八十步金陵志越城東南有國門亦曰望園門梁作侯景犯建康合羊侃頓守者是也

東府城

在皇城西安門外清溪橋東南臨淮水晉會稽王道子宅也道子領揚州宅在州東故曰東府自是領揚州者輒鎮焉為六朝故事輿地志

讀史方輿

卷二十一

江南二

十七

敷文閣

頭還鎮東府宋元嘉中彭城王義康為司徒徙居東府又於東府側起司徒府元嘉末武陵王駿討元凶劭將軍朱修之克東府元徽二年桂陽王休範作亂褚澄開東府門納南軍推安成王準據東府既而張敬兒等攻克之四年建平王景素舉兵京口京師募嚴蕭道成使其子贖鎮東府五年迎立安成王準於東府人居朝堂道成出鎮東府既而沈攸之舉兵江陵道成入守朝堂命其子巖代鎮東府攸之平道成還鎮東府齊永明中巖常鎮焉七年巖還第勅其世子廉代鎮東府隆昌初蕭鸞弒鬱林王昭業改立新安王昭文鸞遂移鎮東府永元初始安王遙光舉兵東府集部曲於東府東門詔蕭坦之等帥臺軍討之眾軍圍東城三而燒司徒府遙光敗死二年崔慧景自廣陵逼臺城江夏王寶元鎮京口與慧景合隨軍東府三年蕭衍至建康東昏侯將徐元瑜以東府城降梁太清二年以侯景入犯分命蕭推守東府既而景陷東府殺推三年蕭嗣等度淮攻東府前柵焚之東頭路中斷景忠之從王偉計乃偽求和以緩援軍

運東府米悉入石頭遂復叛既而蕭會理等進營東府城北為景所毀臺城旋陷承聖初王僧辨等討侯景景將侯子鑒敗於姑孰走還建康據東府陳大建十四年始興王叔陵作亂據東府斷青溪道蕭摩訶攻之屯城西門叔陵走死隋平陳城廢元和志東府城在上元縣東七里亦有東西南三門六朝時建康有事必置兵守此亦謂之東城金陵志東府城東北角有上山晉會稽王道子所作也宋武帝初領揚州築東府城元嘉中彭城王義康更開拓之作東西塹自後常為宰相府第景和中嘗改為東宮旋復故泰始中建安王休仁鎮東府訛言東城出天子帝懼殺休仁而常開東府不居元徽中桂楊王休範反車騎典籤茅恬開東府納賊齊高帝初封齊以東府為齊宮梁太清三年為侯景所據毀土牆易以磚甃紹泰末焚毀陳天嘉未徙治府城東三里齊安寺西臨淮水陳亡復焚廢

西州城

在上元縣治西二里周圍三里晉揚州刺史治所太元中會稽王道子領揚州而居東府

紀要

卷二十

江南二

六

較文閣

故曰東府西州胡氏曰揚州刺史治臺城西故曰西州或曰城在臺城西故名宋大明中以東府為諸王邸西州為丹陽尹治所齊建元三年詔南郡王長懋移鎮西州承明二年竟陵王子良為揚州刺史鎮西州永元初陳顯達與臺軍戰於西州前稍折臺軍繼至顯達不能抗走至西州後烏榜村為臺軍所殺圖經初立西州城未有籬門樹烏榜而巳村因以名梁大寶初侯景以西州為府請梁王幸西州承聖初王僧辨等討侯景景戰於西州之西大敗輿地志西州城晉元帝時築續通典漢揚州刺史理秣陵劉繇為刺史始移理曲阿孫策因號秣陵為西州誤矣實錄城西接治城東連運瀆今朝天宮西即西州橋宋曰望仙橋景定中又改曰武衛橋是其處也

丹陽城

在府西南五十里又西南至太平府八十五里本秦縣始皇三十七年過丹陽至錢塘即此漢仍為丹陽縣屬丹陽郡武帝封江都易王子敬為侯邑後漢仍為丹陽縣晉因之宋齊俱屬丹陽尹隋開皇九年廢入溧水縣俗謂之小丹陽對丹陽郡而言也晉咸和二年蘇峻濟自橫江陶回

謂庾亮曰峻知石頭有重戍不敢直下必向小丹陽南道步來伏兵邀之峻可擒也不聽既而峻果自小丹陽來迷失道夜行無復部分至蔣陵覆舟山亮始悔懼宋元嘉末柳元景奉武陵王駿討元凶劭以舟艦不堅至丹陽步上昇明三年蕭道成篡位廢帝為汝陰王築宮於丹陽故縣梁紹泰二年齊兵由蕪湖入丹陽縣至秣陵步上又紹泰三年徐嗣徽為周文育所敗雷船蕪湖自丹陽步上陳霸先拒之於白城文育亦至遂敗之唐初嘗置丹陽縣於此貞觀初復廢括地志丹陽縣城在江寧舊縣東南五里又丹陽郡城在府東南三國志建安二十五年權自建業徙都武昌以呂範為丹陽太守治建業沈約曰丹陽郡本治宛陵晉太康二年移治建業大興初改為丹陽郡尹其城周一頃有東南北三門圖經云晉太康中所築也盧循寇建康徐赤特迎戰敗績於張侯橋循兵大上至丹陽郡又侯景自歷陽趣建康詔臨賀王正德屯丹陽郡金陵記城西去長樂橋一里南臨大路今武定橋東南有長樂巷一統志丹陽郡城在府東南四里又東南二十里有五城即晉太寧初王敦黨

讀史方輿紀要

卷二十一

江南二

九

敷文閣

王含錢鳳戰敗率餘黨自倪塘西置五城造營處也唐景雲中縣令陸彥恭於城側造橋渡秦淮亦

名五城渡

白下城

在府治北十四里輿地志即江乘廢縣之白石壘也志云白石壘在上元縣北十三里當

石頭城之東北臺城之西本名白石陂陶侃討蘇峻諸將議於查浦築壘部將李根曰查浦地下又在水南惟白石峻極險固可容數千人賊來攻不克滅賊之衝也侃然之一宿而壘成賊大驚侃使庾亮以二千人屯守峻帥步騎萬餘四面攻圍不克太和六年桓温自廣陵將還姑孰屯於白石隆安五年孫恩奄至丹徒建康震駭分遣將軍桓謙備白石既而恩至白石知建康有備不敢進而還義熙六年盧循犯建康伏兵秦淮南岸使老弱乘舟向白石聲言自白石步上既而突犯查浦宋元嘉二十七年魏主燾聲言渡江詔分軍守白下新亭諸處大明四年為蠶所置大殿於此其後謂之白下廢帝子業末沈文秀出為青州刺史剖曲屯白下密謀廢立沈慶之不從乃不果發泰始二年

晉安王子助舉兵尋陽其將孫冲之曰今挂帆直
取白下衆軍兼行相接介據新亭南州則一麾定
矣又後廢帝昱元徽二年桂楊王休範亦自江州
逼建康蕭道成謂宜頓軍新亭白下因分遣張永
屯白下是也又齊武帝以白下城依山帶江因移
南瑯琊郡治焉齊紀永明六年如瑯琊城講武七
年復如瑯琊城九年魏李彪來聘還齊主親送至
瑯琊城延興初巴陵王子倫為南蘭陵太守鎮瑯
琊城蕭鸞遣其典籤華伯茂殺之蓋白下城北臨
江沂故常置鎮戍於此也建武二年魏人南寇中
外戒嚴命陳顯達往來新亭白下以張聲勢永元
二年裴叔業以壽陽降魏詔崔慧景將水軍進討
齊主出瑯琊城送之三年蕭衍逼建康瑯琊城主
張本以城降梁天監五年蕭宏伐魏自洛口道還
乘小艦濟江夜至白石壘叩城門求入普通六年
幸白下城履行六軍頓所太清二年分遣謝禧等
守白下以備侯景景兵至闕下禧等棄白下走紹
泰中陳霸先與齊兵戰於幕府山命侯安都白紹
下橫擊其後齊人大敗陳大建十一年江北州縣
悉沒於後周遣將楊寶安鎮白下禎明末隋師來

讀史方輿

卷二十

江南二

三

敷文閣

伐陳王命樊猛蔣元徽領青龍八十艘於白下遊
奕以禦隋六合之師唐武德九年改金陵為白下
縣移治白下城貞觀七年復移治郭下元和志東
晉以後江津要地或言白石或言白下實一處也
金陵記今之龍灣即古白下圖經云今
靖安鎮有白下城故基去府城十八里

江乘城

府東北七十里本秦縣屬劄郡始皇三十七
年自會稽還過吳從江乘渡劄郡始漢亦曰江

乘縣屬丹陽郡孫氏省縣為典農都尉治晉大康
初復置渡江後屬南瑯琊郡宋齊因之隋廢漢
興平初孫策渡江自牛渚進攻秣陵以秣陵險固
轉攻江乘吳黃武三年曹丕來伐至廣陵徐盛獻
計植木依葦為疑城假樓自石頭至江乘聯綿相
接數百里一夕而成晉永初陳敏據建業敗走
江乘獲之咸康初桓溫領琅瑯太守鎮江乘之蒲
洲尋以石季龍造艦青州掠海州郡命蔡謏沿
江戍守東至土山西至江乘元興三年桓元作亂
劉裕討之敗元將吳甫之於江乘梁太清二年侯
景圖臺城邵陵王綸自京口入接景遣軍拒綸於
江乘紹泰初齊兵犯建康陳霸先遣別將錢明將

水軍出江乘邀擊齊人糧運盡獲其船米齊人大窘括地志江乘故城在句容縣北六十里地名琅邪鄉

臨沂城

在上元縣西北三十八里晉咸康初分江乘縣境僑立臨沂縣為南琅邪郡治齊永明中始移郡治白下縣亦移焉梁敬帝時陳霸先大破齊人於幕府山追奔至臨沂即此隋初郡縣俱廢志云城在獨石山北臨大江縣境又有陽都廢縣東晉初僑置屬南琅邪郡宋大明中省入臨沂又有卽丘廢縣亦東晉初僑置宋元嘉中省入陽都

金城

在上元縣北三十五里括地志在江乘蒲洲上相傳孫吳所築晉永昌初王敦逼建康詔劉陳屯金城咸康初桓温出鎮江乘之蒲洲金城求割江乘縣境立南琅邪郡太元八年謝石等敗苻堅於肥水師旋謝安勞師於金城蕭子顯齊志南琅邪本治金城永明中乃移治白下王隱晉書江乘南岸有琅邪城

讀史方輿紀要

卷二十一 江南二

三

敷文閣

湖熟城

在上元縣東四十五里淮水北漢縣屬丹陽郡武帝封江都易王子胥行為侯邑後漢仍為湖熟縣孫吳省縣為典農都尉晉復置縣宋齊因之隋廢三國志孫策渡江破劉繇黨薛禮等於秣陵又破繇別將於梅陵轉攻湖熟江乘皆下之進擊劉繇於曲阿晉咸康三年毛寶以蘇峻之亂燒句容湖熟積聚義熙九年罷臨沂湖熟脂澤田以賜貧民又宋元嘉二十三年浚淮起湖熟廢田千餘頃是也元豐志上元縣有湖熟鎮宋淳化中改為淳化鎮今府東高橋門外二十里有淳化鎮亦曰淳化關其地遮蔽句容應接京口形勢衝要泰二年齊兵進及倪塘陳霸先拒之於白城與周文育等力戰敗徐嗣徽等於此志云今府東北三十里有白城南接鍾山白城當在其處

懷德城

在府北晉元帝初封琅邪王其國人僑寓江南者近千戶大興三年因立懷德縣尋廢實錄云懷德縣舊置於宮城南七里後改為費縣移於宮城西北三里宋元嘉十五年省古迹編云費

縣故城在今上元縣北九里潮溝村又同夏廢縣
在上元縣東十五里梁武帝生於同夏里大同中
置縣陳因之隋廢今其地有同夏浦

又東南有安業廢縣唐初置旋廢

白馬城

金陵志在江寧縣北三十里吳時為烽火之
所丹陽記云白馬城在石頭城西南最高處

舊置烽火臺并置城為戍守處蓋孫吳以後大約
於沿江築臺以舉烽燧自建康至西陵并日而達

云○宣武城在府治西北九里勝覽宋沈慶之所
築孝武欲北伐問須兵幾何慶之曰二十萬孝武

疑其多乃合慶之守此城而自
率六軍攻之不能下乃罷北討

鍾山

府治東北十五里京邑之巨鎮也明太祖元宮
奠其陽遠近羣山環繞拱衛鬱葱巍煥雄勝天

開設孝陵衛官軍守護餘詳見名山蔣山○石頭
山志云在上元縣治西四里六朝時為險要必爭

之地南徐州記江乘縣西二里有大浦發源石城
山東入江此山與盧龍幕府相連迤邐達於京口

江乘記石頭山嶺嶂千里相重若一遊歷者以為
吳之石城猶楚之九疑也上有石頭城詳見上

讀史方輿

卷二十一 江南二

三

敷文閣

聚寶山

在府南聚寶門外稍東岡阜最高處曰雨花
臺以梁時僧雲光講經雨花而名元末嘗登

雨花臺望城中蓋其地勢獨高也方輿勝覽雨花
臺在城南一里據岡阜高處俯瞰城闕江上四極

無不在目即聚寶山之東巔也山麓為梅岡或謂
之梅陵相傳漢梅鉞屯兵處孫策釀劉繇別將於

梅陵即此明初改築都城雨花臺無復舊觀而報
恩塔高聳巍煥可以盡城郭川原之勝又鳳臺山

在府南亦曰鳳臺岡劉宋元嘉中有鳳集此築臺
其上山因以名舊志岡南傍秦淮今有鳳臺門

覆舟山

在府北太平門內舊志在府北七里形如覆
舟因名山脈東連鍾山北臨元武湖東晉咸

和三年蘇峻敗臺軍於陵口進至蔣陵覆舟山元
興三年劉裕討桓元敗其兵於江乘進至覆舟山

東使羸弱登山張旗幟為疑兵數道並進布滿山
谷元將桓謙等皆敗走梁太清二年侯景作亂邵

陵王綸自京口入援營於蔣山既而景陳兵於覆
舟山綸進軍元武湖側為景所敗敬帝初徐嗣徽

復引齊兵犯建康潛踰鍾山陳霸先率眾分屯樂
遊苑及覆舟山斷其衝要是也一名龍山宋元嘉

中嘗改各元武山陳大建中又改爲龍舟山

鷄鳴山

在覆舟山西南舊志在府西北七里寰宇記

形似名宋元嘉十六年徵廬山隱士雷次宗至建康爲開館於鷄籠山使聚徒教授是也齊永明二年竟陵王子良鎮西州開西邸於鷄籠山明初於山陽立十廟又置潭天儀於山巔賜名欽天山志云劉宋時以黑龍見元武湖亦各龍山郡志鷄鳴山北有太子湖吳宣明太子所濬一名西池

幕府山

府西北二十里神策門外周三十里高七十餘丈有五峯相接晉元帝過江王導開幕府

於此因名北濱大江有五馬渡元帝初與彭城等五王渡江至此也宋元嘉二十七年魏太武南侵至瓜埠文帝登幕府山觀望形勢梁末齊軍犯建康至幕府山霸先帥麾下出幕府山縱兵大戰齊師大潰追奔至臨沂陳禎明中後至嘗校獵於此居人多於此煨石取灰因名石灰山明初陳友諒侵建康太祖命常遇春伏兵於石灰山側卽此今有石灰山關輿地志山在臨沂縣八里

讀史方輿紀要

卷二十一

江南二

三

敷文閣

大壯觀山

在府北十八里東接鍾山南臨元武湖陳宣帝起大壯觀於此因各南史陳大建十

一年幸大壯閣武步騎十萬陳於元武湖上循樂遊苑振旅而還山在府北舊有蠶湖元時築爲塘以溉田今廢又直瀆洞蓋直瀆之水從山麓流入大江也里旁有直瀆洞蓋直瀆之水從山麓流入大江也

四望山

府西北十里西臨大江南接石頭北連獅子

下又晉溫嶠伐蘇峻築壘於四望磯以逼石頭蓋山下有磯也又馬鞍山亦在府西北十里以形似

獅子山

府西北二十里亦曰盧龍山晉元帝初渡江

西北隅周回十二里西臨大江明初陳友諒趣建康太祖親總大軍駐獅子山友諒犯江東橋轉向龍江至山下登岸立柵太祖率諸軍大戰友諒敗走尋建閣江樓於此金陵記獅子山在金山門外

臨沂山

府東北四十里山周三十里北接落星山西臨大江其西南卽古臨沂縣城又雉亭山一

各騎亭山與臨沂山相接又五里接衡陽山志
府東北三十里觀音門外曰觀音山北濱大江西
引幕府諸山東連臨沂衡陽諸山形如錯
繡皆懸崖削壁共捍大江真天設之險也

攝山

陳霸先敗齊兵於幕府山其江乘攝山鍾山諸
軍相次克捷是也地記攝山形方四面重嶺似繖
亦名繖山東連畫石山西南接落星山志云落星
山周回六里北臨大江吳大帝時有三層高樓各
落星樓吳郡賦所云饗戎旅於落星之樓是也

方山

七府東南四十五里志云山高百六十丈周二
水為瀆處也吳大帝時為方士葛元立觀方山宋
元嘉末何尚之請致仕退居方山齊武帝嘗幸焉
欲立方山苑不果梁紹泰二年齊兵至秣陵故治
陳霸先遣周文育屯方山以禦之既而齊人跨淮
立橋柵度兵夜至方山進及倪塘建康震駭
明初敗元將陳桢先於此進攻集慶是也

土山

府東南二十里亦各小東山實錄吳景帝自會稽還
會稽東南山亦各小東山實錄吳景帝自會稽還

紀要

讀史方輿

曲阿即日進至布塞亭孫琳迎於土山之野又石
季龍謀入寇蔡謨沿江戍守自土山進至江乘荷
堅入寇謝安舉謝元拒之乃命駕遊土山別墅唐
韓滉築石頭城自京口至土山皆修塢壁即此處
也又東南曰石碗山一名竹山志云秦始皇以金
陵有天子氣乃鑿方山斷長壘為秦淮瀆今方山
直屬土山三十里皆秦所鑿處而石碗山西九里
又有大壘下枕淮流尤為可據祥符圖經碗一作
櫃此山橫據秦淮之上以扼水勢如櫃然因名金
陵志秦淮東經方山石碗之間西經盧龍馬鞍之
間或以為秦斷

鴈門山

府東南六十里周二十餘里山勢連亘類北
地鴈門因各山東北有溫泉能治冷疾輿地
志云建康自東而北羣山綿亘凡數十里今鴈門
之西接彭城諸山東接大城山又東為竹堂山竹
堂之西北則白山東南則雲穴諸山岡隴回環皆
與鍾山相映帶又湯山在府東七十里接雲穴山
有湯泉六穴出山下又銅山在府東南
七十里周十九里昔嘗採銅於此因名

牛首山

府南三十里一名僊窟山以山後有石窟也

宮殿

王導指雙峯曰此天闕也故亦名天闕山劉

宋大明

三年立南郊壇於牛首山西宋建交中兀

未鑿老

鶴河趣建康岳飛設伏於牛頭山待之賊

敗走金

陵記牛首山周回四十七里高百四十丈

其南為

祖堂山周回四十里高百二十七丈本各幽

棲山唐

貞觀初改今名其東北有巖山周十五里

高七十一

丈吳天紀初嘗立石刻於山上純功德

劉宋大明

六年葬殷貴妃於龍山鑿岡道數十里

時改巖

山為龍山也武帝景寧陵亦在焉又明帝

泰始七年

射雉巖山殺其弟休祐即此又府東南

三十五里

有青龍山

三山

在府城西南五十七里三峯排列下臨大江晉

魏人入寇

於三山烈洲慈姥各置軍以備之亦曰

三山磯

陸游曰凡山臨江皆謂之磯三山又西則

江寧夾

輿地志三山周回四里大江從西來勢如

建瓴而

此山突出當其衝有三峯南北相接積石

讀史方輿紀要

卷二十一

江南二

五

敷文閣

森鬱濱於大江吳時津戍處也郡志山一名護國山亦各下三山在江寧鎮東又江寧鎮西有上三山

烈山

府西南七十里山臨大江輿地志吳時津濟處

也內有小河可泊船商旅多停此以避烈風故名北征記謂之溧洲洲有土山其形似粟也亦曰

洲洲晉哀帝未會稽王昱聞陳祐棄洛陽會桓溫

於洲洲共議征討洲與溧音相近耳又桓冲發建

康謝安送之溧洲宋武陵王討元凶劭自南州進

次洲洲齊建元初置軍於此以備魏人南寇今舟

行自采石東下未至三山江中有山即洲山也下

有洲曰洲山洲港曰洲山港有磯突出湍間曰亂

石磯張舜民曰過三山西上十餘里至溧洲自深

洲過白土磯入慈湖夾金陵記溧洲周回六十里

相傳王濬伐吳曾憇於此或曰陳侯瑱破王琳於

荻港有功烈而名也又白都山在府西南八十里

西臨大江昔僊人白仲都居此山因以名吳志孫

峻殺諸葛恪又遣其黨追殺恪子棟等於白都即此山云

慈姥山

府西南百十里以山有慈姥廟而各積石臨江崖壁峻絕一名鼓吹山以山產簫管也山下有慈姥溪與太平府當塗縣接界舊志慈姥港磯慈湖以東之水入江近港又有慈姥磯今日和

港

橫山

府西南百二十里周八十里高二百丈左傳襄三年楚子重伐吳取鳩茲至於衡山蓋謂此山一名橫望山以四面望之皆橫也

白土岡

府東十三里隋賀若弼與陳兵戰於白土岡擒蕭摩訶於此金陵記白土岡周回十里高十丈南至淮即鍾山之南麓也

石子岡

府南十五里其地有梓桐山山北為石子岡峻殺諸葛恪投尸於此隋平陳韓擒虎自橫江至新林任忠迎降於石子岡引擒虎入朱雀門今有擒虎壘在府西四里寰宇記石子岡周回二十里今城南高座寺後即石子岡之地又有白楊路志

讀史方輿紀要

卷二十一

江南二

敦文閣

云石子岡之橫道也陳始興王叔陵反部磨下渡小航將趣新林蕭摩訶追擒之於白楊路即此金陵志路在府城南十里

落星岡

府西北九里齊東昏侯永元元年涇州刺史陳顯達舉兵逼建康軍於新林濟軍夜襲宮城明日以數千人登落星岡新亭諸軍皆潰還又陳霸先討侯景於石頭西落星山築柵胡氏曰石頭城西有橫隴謂之落星岡亦名落星墩又府西三十里有落星洲西南五十里有落星山皆以星

殞得名又有落星山在今攝山之西南見上

武帳岡

在臺城北六朝時彷彿洛陽舊制置宣武塲設行宮便坐於此岡因以名杜佑曰武帳岡在廣莫門外宋元嘉二十二年以衡陽王義季為南兖州刺史餞之於武帳岡又二十五年大蒐於宣武塲大明三年南兖州刺史隨王誕舉兵廣陵上親總禁軍頓宣武堂志云岡在石灰山側宣武城

蓋置於此

西陵

舊志在府東北十五里俗名松陵岡卽鍾山之南麓吳大帝葬焉亦曰孫陵晉卞壺與蘇峻戰於孫陵敗績齊武帝建商飈館以九日宴羣臣於此俗因呼爲九日臺○東陵在府北覆舟山東麓也劉裕討桓元元使桓謙屯東陵卞範之屯覆舟山西胡氏曰東陵在覆舟山東北又有白木陂在東陵之東蘇峻之亂陶侃等討之侃督水軍向石頭庾亮等自白石南上峻尖陳不得入將回趣白木陂馬躡爲官軍所殺

燕子磯

在觀音門西金陵記幕府山東有絕壁臨江對岸相望翻江石壁勢欲飛動者燕子磯也與宏濟寺江濱峻險處○道士塚在府南蕭衍東下至新林命鄧元起據道士塚以通臺城志云塚舊在臺城南五里

大江

在府城北二十二里自太平府流入境至城西東南繞出東北入鎮江府界金陵志都城在大江東南自府西南一百十里之慈姥山至府東北百里之下蜀港凡二百餘里一名場子江江乘記大

讀史方輿紀要

卷二十一

江南二

一

敷文閣

江從縣西二百二十里與和州烏江及揚州六合並紆回二百九十三里與漢南下交廣東會滄溟北達分中流爲界西引蜀漢南下交廣東會滄溟北達淮泗自大禹疏鑿之迹無不通焉魏文帝出廣陵望長江曰嗟乎此天所以限南北也宋元嘉二十七年魏主燾南寇至瓜步伐葦爲筏聲言欲渡江建康震駭遣劉遵攻等將兵分守津要遊邏上接于湖下至蔡洲陳艦列營周亘江濱自采石至於暨陽六七百里其後歷隋唐以至宋元南北有事皆以濱江爲要地宋志嘉定五年守臣王度言府境北據大江是爲天險上自采石下至瓜步千有餘里共置六渡一曰烈山渡二曰南浦渡三曰龍灣渡四曰東陽渡五曰大城堰渡六曰岡沙渡舊皆與河渡分額歲萬餘緡其後法制寢廢奸豪因以爲厲請更保甲明法禁從之胡氏曰江水東流自武昌以下漸漸向北蓋南紀諸山所迫陂池之勢漸使之然也至於江寧江流愈北建康當下流都會望潯陽武昌皆直南望歷陽壽陽皆直西故建康謂歷陽皖城以西皆曰江西而江西亦謂建康爲江東建康謂采石爲南州京口爲北府皆地

勢然也郡志今府境之江南岸上自慈姥浦下至
下蜀港二百里而遙北岸上自浮沙口下至東溝
不及二百里江之支流旁出者大曰河小曰港曰
溝曰渡石激水曰磯水中可居曰洲兩山間曰夾
縈迴曰套水所注曰浦江流南北遷徙今昔迥殊
異時江泊石頭後徙而北今又漸南然尚去石頭
十餘里茲志其可知者自慈姥浦而東下為鎌刀
灣為烈山港有磯突出湍間各亂石磯又東北即
白鷺洲其南岸曰犢兒磯上接江寧浦口下為大
勝河自大勝河以東有水數曲曰響水溝燈盞溝
上新河中新河下新河皆瀕江要地其北岸則芝
蘇河穴子河王家套八字溝皆列墩燎望處也又
有洲曰長洲自沙梅子句容秀才火藥等洲皆在
江浦境南岸自下新河而東為草鞋夾其外為道
士洲上有屯駐處曰江心營近南曰護國洲中口
洲自道土洲直抵北岸為浦子口又東以達於瓜
步其濱江諸洲曰攔江曰工部官洲老洲柳洲趙
家洲曰扁擔洲洲東為區擔河其北即滁河口也
江流至此亦口宣化漾有洲亦各新洲其下為礬
山山屹立中流石色白類礬故名又數里為西溝

讀史方輿

卷二十一

江南二

云

敷文閣

近黃天蕩為東溝二水自江出皆折而西與儀真
縣接六合江盡此矣南岸中洲口而下有山踞江
而出口者曰焦家嘴又東曰觀音山水曰觀音港
口聳石下瞰江水曰燕子磯歷濤山唐家渡袁家
河東陽港遂接黃天蕩中有洲屬上元縣其上為
草場自龍潭而東洲清隈隔有斜曠洲太子洲洲
外為老鴉夾又東為天寧洲皆句容界其諸水分
流曰白家溝楊家港雙溝港羅酒港而邪溝尤為
津要自此而東遂與鎮江接此近時江
道之可記者也今見大川及川瀆異同

秦淮水

在上元縣治東南三里吳張紘曰秦始皇以
金陵有王氣故掘斷連岡接石頭城處今方

山石滄橫瀆是也建康實錄云秦淮水舊名龍藏
浦有二源一發句容縣北六十里之華山南流一
發溧水縣東南二十里之東廬山北流合於方山
西經府城至石頭城注大江其水經流三百里
地勢高下屈曲自然不類人功疑非始皇所鑿也
孫吳至六朝都城皆去秦淮五里吳時夾淮立柵
十餘里史所稱柵塘是也梁天監九年新作緣淮
塘北岸起石頭迄東冶南岸起後渚籬門迄三橋

以防漲溢又作兩重柵皆施行馬時亦呼為馬柵
 秦淮上自石梁至方山運漕總二十四渡皆浮航
 往來亦曰二十四航惟大航用村預河橋之法遇
 警急即撤橋為備自揚吳時改築金陵城乃貫秦
 淮於城中今秦淮二源合流入方山埭自方山之
 岡隴兩崖北流經正陽門外上方橋又西入上水
 門北經大中橋與城濠合又西接淮清橋與清溪
 合又南經武定橋而西歷桐樹灣穿鎮淮飲虹上
 下二浮橋北通斗門橋合運漕出下水門經石頭
 城入江綿亘縈紆於京邑之內晉咸和四年蘇峻
 作亂峻使其弟逸據石頭諸軍進攻之逸將蘇碩
 度淮逆戰温嶠擊斬之隆安末孫恩作亂自海口
 奄至丹徒建康震駭分遣將軍劉襲柵斷淮口丹
 陽尹司馬恢之戍秦淮南岸義熙六年盧循逼建
 康至淮口劉裕屯石頭以拒之既又出陳於南塘
 南塘秦淮南岸也時裕懼循侵軼亦伐樹柵石頭
 淮口宋元嘉末元凶劭弑逆武陵王駿自江州東
 下討之悉遷淮南居民於北岸義師漸近劭又焚
 淮南岸室屋及淮內船舫悉驅民家渡水北既而
 柳元景至江寧使別將薛安都帥鐵騎耀兵於淮

上劭尋遣軍攻元景於新亭劭眾潰墜淮死者甚
 眾齊永元二年南兖州刺史崔慧景逼臺城蕭懿
 自采石渡江入援頓越城慧景遣其子覺將兵渡
 淮南岸為懿所敗赴淮死者二千餘人覺單馬退
 開柵阻淮懿軍尋渡北岸慧景眾皆散走梁太清
 二年侯景圍臺城援軍大集於新林蔡洲緣淮樹
 柵景亦於北岸樹柵應之承聖初王僧辨等敗侯
 景兵於姑孰進至張公洲遂督諸軍乘潮入淮景
 塞淮口緣淮作城十餘里中樓堞相接紹泰初徐
 嗣徽引齊軍襲建康據石頭城與陳霸先相持韋
 載言於霸先日今急於淮南因侯景故壘築城以
 通東道轉輸分兵襲彼之糧運則齊將之首旬日
 可致從之齊人敗去陳頌明末隋將韓擒虎等自
 采石趣建康司馬涓請南斷淮水以拒之隋軍漸
 逼任忠謂陳主曰今宜固守臺城緣淮立柵北軍
 雖來勿與交戰分兵斷江路無令彼信得通給臣
 精兵下江徑掩六合則諸軍不擊自去矣時隋晉
 王廣以大軍屯六合也宋開寶八年曹彬擊江南
 進次秦淮江南兵水陸十萬陳於城下時舟楫未
 具潘美率兵徑渡大軍隨之江南兵大敗秦淮在

金陵南面自昔為緣城險要云

元武湖

在府城北太平門外舊志在上元縣北十里

臺城後也湖周四十里東西有溝流入秦淮春夏

水深七尺秋冬四尺灌田百餘頃湖故桑泊也三

國吳謂之後湖後廢晉元帝太興二年創為北湖

以肄舟師明年築長堤以壅北山之水東自覆舟

山西至宣武城凡六里餘太寧二年王敦使王含

等犯建康顧颺說敦將沈充曰今決破柵塘因湖

水以灌京邑乘水勢縱舟師以攻之此上策也柵

塘在秦淮水上湖即元武湖宋元嘉二十二年復

築北堤南抵城東七里之白塘以肄舟師二十三

年黑龍見乃立三神山於湖上改名元武大闕水

軍號昆明池俗呼為飲馬塘時又於湖側作大寶

通水入華林園天淵池復貫串宮掖注城南塹元

徽四年建平王景素舉兵京口蕭道成屯於元武

湖以備之齊永明中亦演水軍於此永泰初王敬

則舉兵會稽至曲阿詔沈文季屯湖頭備京口路

胡氏曰湖頭即元武湖旁地東接蔣山西巖西抵

讀史方輿

卷二十

江南二

三

敷文閣

元武湖隄地勢平坦當京口大路永元二年崔慧

景自京口逼建康詔遣王瑩築壘湖頭上帶蔣山

西巖以拒之是也梁太清二年侯景作亂邵陵王

綸自京口入援臺城繇蔣山而前軍元武湖景軍

於覆舟山及戰為景所敗既而梁將宋嶷降景致

之引元武湖水以灌臺城關前皆為洪流臺城尋

陷紹泰初齊軍踰鍾山至元武湖陳霸先敗之於

幕府山南唐通事金陵北有湖周數十里各山大

川掩映如畫六朝舊迹多出其間每歲菱藕網罟

之利不下數十百千云宋天禧初知昇州丁謂言

頃陰漑之利遂廢今宜復舊制疏為陂塘以畜水
使負郭無旱歲從之四年給為放生池熙寧八年
王安石言金陵北關外有湖二百餘頃古迹號為
元武前代以為遊翫之地今空貯波濤守之無用
臣欲於內權開十字河源洩去餘水決瀝微波使
貧困饑人盡得螺蚌魚蝦之饒此目下之利水退
之後分濟貧民假以官牛官種又明年之計也詔
從之自是開十字河立四斗門以泄水湖遂廢為
田又跨河為橋以通行來歲久舊迹益堙惟城北

十三里僅存一池。祖穆云：元武湖今為後軍寨。是也。元時亦廢。塞明初後開浚，中有舊洲。新洲及龍引蓮萼等洲，洪武中置庫於湖中。湖上以貯天下圖籍，又築太平隄以備湖水潦溢。實錄：湖在三國時已有之。吳寶鼎二年開城北渠，引後湖水流入新宮，是也。或謂之練湖。徐爰釋問湖實創始於東晉大興中云。

婁湖

府東南十五里。吳張昭所濬，以溉田。周十里。昭封婁侯，故名。南史：宋大明中，沈慶之有園在婁湖。一夕徙居之。齊永明初，望氣者云：新林婁湖東，以厭之。陳大建十年，甲子築青溪宮，作新林婁湖苑。湖誓眾是也。宋時築湖為苑，志云：城南十里，有艦澳。梁武帝引婁湖水以藏舟。又西北入於秦淮。今亦廢。又有穩船湖，在今佛寧門外。明洪武初所開，引江水豬以泊舟。且避風濤之險云。

迎擔湖

舊志在石頭城西南五里。晉南渡後，衣冠行李塞於湖上，因名。一作額擔湖。齊書作雜擔。

讀史方輿紀要

敷文閣

湖宋昇明元年，劉秉等謀誅蕭道成，不克。自石頭走至額擔湖，見殺。湖北又有蘇峻湖，本名白石陂。即晉李陽斬蘇峻處。今俱堙廢。又鷺雀湖，圖經云：在城東二里。梁昭明太子墓側，湖周二里，其水流入青溪。宋元時為白蕩湖。一名前湖，尋堙。今故宮正值其地。○半陽湖在府東北四十里，水同一壑。而冷熱相半。民引熱水溉田，一歲再熟。亦曰半陽湖。又攝湖在府東北五十里。金陵志：湖周二十五里。攝山之水流入江。乘浦注於攝湖，又北入於江。又有三岡湖在府東六十里，周十餘里。上有三岡俯臨湖側，因名。今俱廢。

青溪

在上元縣東六里。溪發源鍾山下，入秦淮。逶迤九曲，有七橋跨其上。實錄：吳赤烏四年，鑿東渠通北塹，以洩元武湖水。南接於秦淮，逶迤十五里。名曰青溪。其接秦淮處有青溪閘，口自楊吳城。金陵青溪遂分而為二：在城外者，繇城濠達於淮；在城內者，堙塞僅存一線耳。郡志：青溪引秦淮水而成。今府城北太平門下，繇潮溝南流入舊內，又出西安門外之竹橋，入濠而絕。又繞出舊內旁，至淮。

讀史方輿

卷二十

江南二

三

紀要

敷文閣

清橋與秦淮河合者是其遺迹也晉大寧二年
 敦將沈充犯建康劉遐敗之於青溪威和元年
 峻敗卞壺等于西陵進攻青溪柵因風縱火
 及諸營寺署一時蕩盡又齊太祖嘗居青溪東
 青溪故宅杜佑曰齊時有青溪宮後峻為芳林
 永元初始安王遙光謀篡立以劉暄有異議遣
 右王曇慶刺暄於青溪橋不果既而遙光舉兵
 府城詔曹虎屯青溪大橋以討之大橋或曰青
 中橋也梁太清二年侯景作亂柳元禮等援臺城
 自新亭移營大桁令韋粲頓青塘當石頭中路立
 柵未合侯景帥銳卒攻粲使軍主鄭逸逆擊之
 命別將劉叔胤以舟師截其後叔胤不進逸敗景
 乘勝攻粲粲與子弟皆戰死仲禮馳救與景戰於
 青塘景大敗沉淮水死者千餘人於是景不復濟
 南岸青塘蓋迫近淮渚在青溪之南岸三年蕭嗣
 等將兵渡淮攻東府前柵焚之侯景退眾軍營於
 青溪之東尋潰還隋開皇九年平陳斬張麗華孔
 貴嬪於青溪柵下自楊吳改築城垣而青溪始堙
 宋志乾道五年建康守臣張孝祥言青溪舊自天
 津橋出柵砦門入江綠柵砦門近地為有力者所
 得遂築斷青溪口創為園圃致水流壅塞時有泛
 溢之患若訪求古迹使青溪直通大江城內可永
 無水患既而汙澈代孝祥奏於西園依故道開濬
 使水通柵寨門入江開慶中馬光祖復濬之築堤
 飛橋以便往來蓋青溪九曲時僅存一曲矣柵寨
 門志云在秦淮上於故柵塘開水門洩城中水入
 江俗號柵寨門又溪上舊有募士橋相傳三國果
 建橋西南有埭曰鷄鳴埭○長溪在上元縣東南
 六十里丹陽記溪東承句容赤山
 湖水經故湖熟縣南入於秦淮
新開河 在府西南實錄云舊城濠在通濟門內旁入
 秦淮又自通濟門外與秦淮分流繞而南經
 聚寶門外長干橋至三山門外與秦淮水復合此
 陽吳時舊城濠也其自三山門外歷石城及定淮
 諸門達於草鞋夾入江復自三山門外歷石城及定淮
 橋與府西南十二里之陰山運道合出大城港入
 江者此宋元新開河也明初陳友諒侵建康趣江
 東橋舟師欲出新河口路太祖命趙德勝跨河築
 虎口城以守卽此志云江東門外有新河稍南
 五里通大江江中舟船盡泊此以避風浪又有中

新河下新河亦在江東門外南去上新河十里流
通大江官司船舫所泊處也皆洪武初所開又自
下新河而東水分三股一引石城橋一引江

新河

東橋一自草鞋夾以達於江各三引河云
元里通大江舊名蕃人河今亦謂之新開河又上

黃天蕩南蘆場內元未為韓世忠扼於黃天蕩或
教之於蘆場地鑿大渠二十餘里上接江口出世

忠之上元未從之又傍冶城西南鑿渠成金人悉
趣建康欲越江而北為世忠所覺尾擊敗之汪藻

云敵於建康抱城開兩河謂此兩蕃人河也亦作
老鶴河宋史建炎四年韓世忠扼元未於江中元

未自京口沿南岸而西將至黃天蕩卒不得濟或
曰老鶴河故道今雖埋塞若鑿之可通秦淮元未

從之一夕渠成凡五十里遂趣建康為岳武穆所
敗而還金陵志老鶴嘴與句容接界東去東陽鎮

靖安河

三十里元置馬站於此蓋門河蓋近老鶴嘴云
入儀真西北二十餘里吳肆記自金陵抵白沙江

讀史方輿

卷二十一

江南二

三

敷文閣

紀要

流曠數百里波濤洶怒其尤者為樂官山李家濠
至急流濁港口凡十有八處風波至為險阻宣和

六年發遣使盧公得古漕河於靖安鎮之下缺口
取徑道於青沙夾趨北岸穿坳月港繇港尾越北

小江入儀真新河抵新城下八十餘里以易大江
百有五十里之險志云龍安津在靖安河口即靖

安渡○護龍河在上元縣治東北引而南台於青
溪水宋鑿志云即故子城三面濠今埋廢逾半矣

又有御河在皇城內明時所鑿
出東安門外相川橋合於城濠

運瀆

萬繫向容中道至雲陽兩城以通吳會船艦號
破岡瀆又使郗儉鑿城西南自秦淮北抵倉城以

達吳越運船蓋引破岡瀆繇方山隸接於秦淮以
避大江之險又自秦淮而東北達於苑倉也金陵

事實運瀆引江水而成在故臺城西南舊有六橋
跨其上五代以來久已埋塞今三山門內十門橋

以城北近舊內城東合青溪又北折而西從鐵憲橋
出城者是其故迹也居氏祖曰古都城去秦淮既

遠其漕運必資舟楫而濠塹亦須灌注故孫吳開

運濟鑿湖溝穿青溪皆引水入城中... 入後湖也自楊氏依淮為城... 西南邊江以為險春夏積雨... 淮上置閘遇水漲則閉上流... 輸瀉入濠以殺水勢冬間淺... 濠塹又城北以東引江水開... 舊關湖溝以東引江水開青... 城之北入於後湖則城北濠... 快矣破岡瀆見句容縣及鎮... 直瀆右府東三十二里源出... 又經直瀆山北達於江晉溫... 期屯軍直瀆孫盛晉春秋直... 吳時所開也梁有直瀆戍承... 景人建康賊黨王偉與侯子... 相失偉至直瀆為戍主所擒... 輸淮口是也今埋廢○竹篠... 志云港西通靖安東達石步... 舊有竹篠鎮胡氏曰郎竹里... 舉兵京口討王國寶等國寶... 江南二

讀史方輿

卷二十一

江南二

敷文閣

兵戍竹里夜遇風雨各散歸元置巡司於此金陵志石步港在上元縣東北四十里攝山之西亦北

達大江宋置石步砦巡司為濱江戍守處

班瀆在府北胡氏曰在新洲西南劉半之討桓元軍於溧洲既降元乃移屯班瀆此又義溝瀆在

上元縣治東二十里下流入秦淮溉田百餘頃

潮溝上元縣西四里吳赤烏中所鑿引江湖抵青溪相持於覆舟山會大雨齊軍坐立泥中而臺中及

湖溝北路燥齊兵大困是也五代時廢今自青溪而西抵鷓籠山以

東南是其故址

查浦在府西南十里大江南岸實錄云石頭南上十

亂陶侃入援市於查浦又李陽與蘇遠戰於此義

熙六年盧循犯建康泊蔡洲劉裕查浦築圍廷

討三壘備其侵逸既而循聲言悉眾向白石裕遣沈林子等戍南岸斷查浦循焚查浦進至張侯橋

林子據柵力戰邦之又有沙門浦在查浦之西陶
德温崎共計蘇峻侃屯查浦嶠屯沙門浦是也
板橋浦流經此又北為大勝河在於江三國吳末沈
瑩等屯於板橋以拒晉軍敗死齊末蕭衍至新林
為僧珍所敗梁太清二年侯景犯建康繇板橋至
朱雀航南元末陳瑩先屯兵於此以拒王師實錄
新林南上十里至板橋自板橋南上三十里至洲
洲張舜民曰出秦淮西南行循東岸行小夾中
里至板橋店胡氏曰建康府城西南江寧鎮北有
板橋市其地與新林相近謝朓所云新林白板橋
也

新林浦 在府城西南十八里合大勝河濱大江亦曰
新林浦 新林港宋元嘉二年討徐羨之等殺害營陽

盧陵王之罪羨之自西州走至新林自殺元徽二
年桂陽王休範自尋陽逼建康軍至新林捨舟步
上進攻新亭齊永元初陳顯達亦自尋陽舉兵逼
建康敗臺軍於采石進軍新林潛軍夜襲宮城於

讀史方輿 卷二十一 江南二 三五 敷文閣

紀要 是新亭諸軍皆潰又蕭衍東下至新林分命諸將
進逼建康梁侯景之叛韋粲柳仲禮等赴援合軍
屯新林既而景陷臺城西侵江到太寶二年景發
建康自石頭至新林舳舻相接隋代陳百王廣遣
總管社彥與韓擒虎合兵屯於新林宋開寶七年
曹彬等伐南唐敗其兵於新林港舊志新林浦又
三丈長十二里梁武帝從新亭繫渠通新林浦有
於新林浦開大道立殿宇為江潭苑未畢而有
臺城之亂今有新林橋在府西南十五里蟹浦
在府西北十六里輿地志白下城西南有蟹浦源
出鍾山北流九里入大江齊崔慧景軍
敗單騎走至蟹浦為漁人所殺即此

江寧浦 故江寧縣入大江即陳霸先遣侯安都襲破
齊兵處也元志云浦溉田凡百二十頃又秣陵浦
在府東南五十里志云源出府東南七十之竹
堂山北流八里入葛家湖又十里入長溪合於秦
淮舊志浦源出龍山在府西南九十五里接當塗
縣界 似悞

蔡洲府西二十五里云在江寧縣西南十八里石

舟師直指石頭至蔡洲又殷仲堪以江陵賊前

建康引兵向新亭回泊蔡洲宋以拓跋燾入寇至

瓜步詔分軍屯蔡洲又遊邏上自于湖下按蔡洲

為之備梁侯景圍臺城台州刺史鄱陽王範遣其

世子嗣與西豫州刺史裴之高等將兵入援軍於

蔡洲一名張公洲侯景之亂司州刺史柳仲禮亦入

援至橫江裴之高自張公洲遣船渡仲禮是也承

聖初王僧辨等敗侯景將侯子鑒於南洲督諸軍

至張公洲乘潮入淮志云蔡洲周回五十三里張

公洲周回三里在江寧縣西

南五里蓋蔡洲之別渚云

白鷺洲在府西南江中直新林浦宋初曹彬破南

東北即白鷺洲丹陽記江寧縣西三里外西關中街

周回十五里與城相望近志三山門外西關中街

水環遶處當為白鷺洲蓋沿襲舊各非故址也

茄一里陶侃等討蘇峻軍於茄浦昔時周回

帥眾渡江與侃會於此又府西南四十里舊有迷

子洲周

馬印洲在府北二十里志作馬昂洲周十五里晉元

史蕭會理等拔臺城會眾三萬軍於馬印洲時梁

軍聚還南岸不爾妨臣濟江從之胡氏曰馬印洲

即今黃家沙老鶴渚一帶梁置琅邪郡於江乘浦

岸即秦淮南岸時接軍悉營於此闔閭洲舊在

險與亡逃所聚王敦將錢鳳走闔閭洲為周光所

殺郎此又長命洲在石頭城南梁武帝放生處志

云石頭城下有蚶蚌磯南唐宋齊邱姬注台符之

才害之

於此

讀史方輿 卷二十 江寧二 敦文閣

新洲 在府北四十里一云在京口西大江中三國吳

劉裕少時嘗伐荻新洲至日紀隆安二年孫恩自丹

徒進至白石欲掩建康不備聞劉牢之引軍還至

新洲不敢進而去元璩劉牢之走新洲自縊而

死胡氏曰新洲今之珠金沙也賈似道軍潰於魯

港夜駐金珠沙奔還揚州即

此魯港見燕湖縣魯明江

後渚 在府西南秦淮別渚也梁天監八年新作緣淮

時有三橋離門又太清中柳仲禮等赴援臺城軍

於新林侯景於後渚挑戰即此又有安樂渚渚在

犯建康軍新亭帝遣侍中勞元於安樂渚渚在

新亭之東六朝時有秦渚渚胡氏曰秦淮之渚也

在東府前齊永明末鬱林王昭業即位武帝梓宮

下渚帝於端門內奉辭又永元初曲江公遙欣之

喪自荆州還停東府前渚部曲悉歸始安王遙光

是也又永元二年崔慧景逼宮城左興盛軍潰不

得入宮逃淮渚荻

舫中慧景擒殺之

讀史紀要 卷二十一 江南一 敦文閣

倪塘 在上元縣東南二十五里王敦使王含錢鳳逼

劫月勢又隆安二年王恭復叛斬於倪塘西置五城如

之於白城金陵記建康在六朝時西至石頭東至

倪塘南至石子岡北至慈山相距各四十里戶凡

二八萬侯景之亂至陳時中外人物不及宋

齊之半胡氏曰倪塘倪氏所築塘也在建康東北

方山埭

南似樓

橫塘 在府西南貫錄云在秦南岸近石頭西陶家

賦所云橫塘查下樓臺之築堤謂之橫塘吳都

尋出陳於南塘即此自橫塘而北接於棚塘朝今

秦淮遙口矣金陵記陶家塘在東對蔡洲六朝時每

餞北使於此臨賀塘在東對蔡洲六朝時每

正德築塘豬水以溉田又有銅塘在府東南四十里

亦昔時溉田處今廢又有塘在府東南四十里

五十里元時屈曲長五十里溉田百頃

方山埭 在府東南四十五里建康實錄吳赤烏八年

也杜佑曰東晉至陳西有石埭津東有方山埭各

置津王一人賊曹一人直水五人以簡察禁物齊

武帝為太子時自晉陵武進拜陵還晚進方山埭

是當時往來水道也宋元凶劭之亂隨王誕遣車

自會稽向建康敗劭軍於曲阿劭因緣淮樹柵決

破柏岡方山埭以絕東軍蓋劭運道以拒之也柵

岡埭見句

容絳巖湖

黃天蕩 在府東北八十里韓世忠與兀朮相持處也

度白沙橫澗三十餘里呼黃天蕩輿程記黃天

蕩一帶大江澗四十餘里間有太子洲其餘汝港

村落限隔橫錯水陸之途出於此而龍潭斜溝

特為津要龍潭斜溝見句縣白沙見儀真縣

馬家渡 在府西南九十五里亦曰馬家洲又為馬家

家渡江或曰即沙夾也宋建炎三年金人絲馬

順每越采石而度礪沙夾蓋礪沙夾江面狹於采

石而捨舟登岸平原曠野此騎兵之地故金人

得之遂陷建康葉氏適曰馬家渡與采石相去六

十里采石江澗而險馬家渡江狹而平郡志云

礪沙夾在府西南七十里蓋與馬家渡相接

糜扇渡 在府治南舊志云在朱雀航之左一名毛翁

羽扇揮之其軍遂潰因名今為瓦屑壩又有

桃葉渡亦在秦淮口志云即今武定橋北

張公凸渡 在府北三十里臨大江與六合縣桃葉山

傳隋平陳行軍總管宇文述濟自此宋熙寧五年

守臣閱張公凸上藥家磯及馬鞍山河道有詔褒

美是也

洛馬澗 在府西南二里亦曰南澗下流合於秦淮宋

赴死澗中澗為之溢因名馬澗志云澗在江寧

縣南五里東北流入於城濠宋時譌為躍馬澗

建康宮 在故臺城內實錄吳大帝遷都建業徙武昌

讀史方輿 卷二十 江南二 敷文閣

公車中門之東曰昇賢又東曰左掖中門之西曰
明揚又西曰右掖又東面門曰蒼龍西面門曰白
虎北面門曰元武繼又於宮中作臨海赤鳥等殿
彎碕臨碕等門左思所云左稱彎碕右稱臨碕老
也晉石永之亂太初宮燬陳敏平石水營府舍於
故址元帝渡江即敏所營居之及即位稱爲建康
宮咸和三年蘇峻作亂盡焚臺城宮室峻平乃復
營治七年新宮成正殿曰太極殿又爲東西堂及
東西二上閣自是屢加修飾太元中大小殿宇凡
三千五百間尋又作清暑殿極土木之美宋仍晉
舊名所居殿曰西殿文帝時謂之合殿其地在齋
閣之後孝武大明五年改清暑殿曰嘉禾又增造
玉燭紫極含章諸殿齊又作昭陽顯陽二殿於宮
中永明中復作壽昌鳳華靈曜三殿時又有鳳莊
乾光靈祐正福延昌等殿東昏時復起芳樂玉壽
諸殿窮極綺麗梁時有五明披香鳳光文德武德
樂壽諸殿皆晉宋以來歷代修造而光華寶雲諸
殿往往以施佛寺又有至敬殿及景陽臺則梁王
置七廟座於中又有淨居殿則梁王燕居處也南
史禁中有壽光殿亦曰壽光省梁武受禪范雲撰

讀史方輿 卷二十一 江南二 完

敷文閣

何壽光閣外是也又天監十二年復作太極殿十
四年寇太子統於此太清二年侯景圍臺城梁王
祀蚩尤於太極殿前明年臺城陷景入見於太極
東堂既而景使其黨于子悅守之又使王偉守武
德殿是時宮省府署殘毀甚衆惟太極猶如舊制
承聖初王僧辨等破侯景不戢軍士剽掠居民自
石頭至東府號泣滿道軍士遺火焚太極殿及東
西堂陳時復加營繕永定以後建置滋多時宮中
有嘉德昭德壽安乾明覺華等殿大建末復營承
明含香栢梁等殿前後以數十計及隋軍南下賀
若弼置後主於德教殿以兵衛守而陳亡矣南唐
亦都江寧改金陵府舍爲官廳堂曰殿有興祥崇
英凝華積慶等殿昇元四年改興祥爲昭德積慶
爲穆清崇英爲延英而凝華內殿則前爲昇元殿
後爲雍和殿時宮中又有萬壽清輝等殿及澄心
堂百尺樓綺霞閣之屬德昌宮則內府庫藏之所
也唐亡宋仍改爲昇州治慶曆八年江寧大火延
燒殆盡惟存玉燭一殿高宗南渡以建康爲形勝
之會紹興二年卽建康府治爲行宮以備巡幸雖
有宮門寢殿朝堂之制而樸素無文及蒙古入建

康至元十五年拆故宮材木輸之
大都遺址僅存民得而場圃之矣

昭明宮

吳志在太初宮東後三皓甘露二年建謂之
新宮自太初宮移居之晉避諱改曰顯明宮

後廢又有東宮在臺城東南與地志災東宮在臺
城南晉初移於西南後復移於宮城東南自宋以
後東宮皆在宮城東北亦謂之永安宮宮苑記永
安宮在臺城東華門外晉太元二十一年以東海
王第作東宮安帝立何皇后居於此謂之永安宮
桓元篡位拆其材木入西宮以其地為射場宋元
嘉十五年復築東宮梁因之梁書侯景圍臺城時
東宮以及館署府寺倉廩之屬悉在臺城外景黨
分據公車左衛諸府東宮近城賊眾登牆射城內
至夜復於東宮置酒奏樂太子綱遣人焚之臺殿
及所聚圖書皆盡景又燒乘黃廐士林館太府寺
諸處宮城以外皆為灰燼陳復營東宮大建九年
移太子居之又於吳南宮亦在府南秦淮上吳太
子宮也赤烏二年吳主適南宮劉宋置欣樂宮於
此陳亡俱廢

讀史方輿

卷二十一

江南二

早

敷文閣

金華宮

舊志在青溪東去臺城三里梁別宮也大同
中所築又有陳安德宮在宣陽門西南陳宣

帝時築隋平陳移江寧縣治此明年復罷中有池
宋時猶謂之安德宮池又有未央宮南史宋廢
帝景和元年以東府城為未央宮石頭城為
長樂宮北邸為建章宮南第為長楊宮云

華林園

在故臺城內建康宮北隅吳時宮苑也晉曰
華林園中有天淵池蓋彷彿洛陽舊制自晉以

後每臨華林園聽訟為六朝故事宋元嘉二十三
年築景陽山於華林園始造景陽樓大世觀層城
觀通天觀及鳳光華光與化諸殿大明初改景陽
樓曰慶雲尋復舊時又建靈曜前後殿曰觀臺芳
香堂竹林堂於園內廢帝子業射鬼竹林堂壽寂
之等謀弑之時建安王休仁等知其謀事作休仁
等相隨奔景陽山園門曰鳳莊門齊建武中以始
安王遙光父諱鳳改曰望賢門明帝鸞常合遙光
乘輿自望賢門入是也齊史建武二年殺蕭諶於
華林園四年誅王晏於華林園又永元初殺徐孝
嗣於華林省即華林園也東昏侯末每燕樂於華
林園及蕭衍將逼建康乃於華光殿前習戰衍圍

臺城復登景陽樓屋上望之既而被宦者黃奏平等試於含德殿殿亦在華林園也梁武帝時又於園內起重閣上曰重雲殿下曰光嚴殿陳永初中又有聽訟臨政諸殿及至德二年復營臨春結綺望僊三閣於華林園光昭殿前又三年而景陽之亭至矣宮苑記天淵池亦曰天泉池相傳吳寶鼎中於元武湖側鑿大甃引水入宮城為此池池內池南皆有亭堂環列又有西池吳宣明太子孫登所鑿也亦謂之太子西池在宮西隅因各晉南渡後往往遊宴於此又景陽樓有井一名懸脂井亦曰辱井以陳後主與張麗華孔貴嬪遁入井中為隋軍所獲也景陽樓亦曰景陽殿○永福省在故臺城中劉宋時太子所居元凶劭即位稱疾居永福省梁太清三年太子綱遷居永福省及景陷臺城收朝土王侯皆送至永福省即此

樂遊苑

在覆舟山南晉之芍藥園也義熙中即其地築壘以拒盧循因各藥園壘宋元嘉中闢為此苑更造樓觀於山後改名樂遊苑往往饗飲於北苑宋書元嘉二十二年築北堤浚元武湖於樂遊

讀史方輿紀要

卷二十一

江南二

甲

敷文閣

苑北大明三年作正陽林光等殿於苑內又築上林苑於元武湖北於苑中作景陽山齊東昏侯永元二年崔慧景至建康入北籬門頓樂遊苑梁大寶初侯景請梁主禊宴於樂遊苑帳飲三日乃還敬帝初齊兵踰鍾山陳霸先分軍拒之於樂遊苑東及覆舟山北自是焚燬陳天嘉中更加修葺大建七年復築甘露亭於覆舟山上隋伐陳賀若弼自京口趣建康陳後主命蕭摩訶屯樂遊苑既而弼敗陳兵於白土岡進至樂遊苑燒北掖門入是也今城北土橋南小教場即其地

江潭苑

在府西二十里新林路梁天監中所作侯景引洲大子綱從景所請勒令自白下城移軍江潭苑是也或曰江潭苑一名王遊苑先是韋粲等至新林屯於王遊苑即此輿地志梁武帝從新亭鑿渠通新林浦又為池開大道立殿宇名王遊苑未成而侯景亂○建興苑志云在府治西南秦淮南岸本吳時南苑也宋明帝葬於此梁天監四年改置建興苑侯景之亂裴之高入援軍於南苑尋迎柳仲禮等會於青塘立營據建興苑是也

桂林苑

宮苑記在府北落星山之陽吳苑也吳都賦

臺城中南史齊東昏侯即臺城闕武堂為芳樂苑

又有博望苑齊文惠太子建時又闢元圃於臺城

北極山水之勝梁時亦為太子遊覽處○南苑在

宣陽門內梁置有德陽堂中大通二年改封魏汝

南王悅為魏王餞於德陽堂遣兵送至境土又大

同二年使賀拔勝還西魏餞之南苑太清二年以

侯景犯闕收諸寺庫公藏錢聚之德陽堂以充軍

費是也

尋毀

杜姥宅

舊在臺城南掖門外晉成帝杜皇后母裴氏

立第於此因各宋蒼梧王時休範將杜黑驪

敗臺軍於朱雀航乘勝渡淮逕進至杜姥宅陳顯

達擊破之齊東昏侯永元初陳顯達舉兵江州東

昏侯使左典盛屯杜姥宅又侯景攻臺城克東府

載其尸聚於杜姥宅遙示城中後王僧辨等討敗

侯景遣裴之橫等分屯

杜姥宅是也姥莫輔反

紀要

讀史方輿

卷二十一

江南二

里

敷文閣

中堂

在府治南志云在舊都城宣陽門外晉明帝大

寧二年王敦復反帝屯於中堂或謂之南皇堂

自是建康有警多以親貴出頓中堂隆安二年王

恭殷仲堪之亂會稽王道子屯於中堂五年孫恩

犯丹徒遣將軍王敬等屯中堂義熙六年盧循犯

建康至淮口琅邪王德文屯中皇堂宋景平二年

徐羨之等廢立宜都王義隆即位於中堂元嘉末

元凶劬弒逆急召逆濬屯中堂泰始二年晉安王

子勛舉兵尋陽帝出頓中堂又蒼梧王時休範作

亂蕭道成謂中堂舊是置兵地是也晉紀孝武以

太學在秦淮南去臺城懸遠權以中堂為大學親

釋奠焉或以為即朝堂陳禎明三年隋兵度江陳

儀賢堂

在宮城北華林園內本名延賢堂宋元嘉三

年帝臨延賢堂聽訟自是每歲三以皆於此

堂因各聽訟堂梁天監七年改名儀賢侯景入宣

陽門據臺城門外公車府蕭正德據左衛府既而

以正德即帝位於儀賢堂金陵志儀賢堂在故都

城宣陽門內路西梁時策孝廉秀士於此因各又

有集雅館梁天監五年置大同七年又立士林館於宮城西皆會集諸儒講學談禮之所云○積弩

新亭 在江寧縣南十五里近江指東晉初為諸名士

溫自姑孰入朝謝安等相對於流涕處寧康元年桓

堪舉兵江陵前鋒楊佺期至石頭劉牢之帥北府

兵赴京師軍於新亭佺期等皆失色回泊蔡洲元

興初桓元逼建康軍至石頭謂將佐曰賊於新亭步上

康劉裕拒之屯於石頭謂將佐曰賊於新亭步上

其鋒不可當若回泊西岸此成擒耳徐道覆勸循

從新亭至白石焚舟而上數道進攻循不聽裕登

城見循引兵向新亭顧左右失色既而回泊蔡洲

乃悅宋景平二年徐羨之等廢立宜都王義隆自

江陵至建康羣臣迎拜於新亭又元嘉末武陵王

駿討逆劭柳元景將前軍潛至新亭依山為壘劭

使蕭斌等水陸合攻劭自登朱雀門督戰敗還駿

旋至新亭即帝位因改新亭曰中興堂元徽二年

桂陽王休範自尋陽襲建康蕭道成日休範輕兵

急下乘我無備宜頓軍新亭白下堅守宮城東府

石頭以待賊至遂請出頓新亭以當其鋒休範至

新林捨舟步上攻道成遣諸將黃回等皆出屯新

林既而遣回等西上道成出頓新亭齊永元三年

蕭衍舉兵自襄陽東下東昏侯遣軍王胡松屯新

亭尋復遣馮元嗣兩救郢城茹法珍等送之中興

堂松黨殺元嗣謀還冀臺城不果東昏侯尋遣李

居士屯新亭衍逼建康居上以新亭兵逆戰敗於

江寧衍將曹景宗等因分據阜茨橋及赤鼻邏新

亭城至江道林率兵出戰為衍軍所擒居士尋以

新亭降衍梁太清二年侯景逼建康分遣寧國公

大臨屯新亭既而柳仲禮等入援軍至新亭尋列

營楯南與景相持宋建炎四年岳飛敗兀木於牛

頭山兀木趣龍灣飛邀擊之於新亭大破之亭廢

乾道五年守臣史正志重建呂氏社曰自吳以來

石頭南上至查浦查浦南上至新亭新亭南上至

新林新林南上至板橋板橋南上至新亭新亭南上至

堡水有舟楫建康西南面之險也

征羅亭

在石頭塢晉太元元年征羅將軍謝安止此亭也胡氏曰征羅亭在方山南自元武湖頭大路東出至征羅亭齊明帝末王敬則舉兵會稽至曲

阿太子寶卷使人上屋望見征羅亭失火謂敬則軍至急裝欲走即此

永昌亭

在府東吳太平三年孫綝迎立琅邪王王行以乘輿法駕奉迎處也

臨滄觀

在府南十五里勞山上吳置為送別之所輿地志新亭壘上有望遠樓宋元嘉中改名臨滄觀桂陽王休範攻蕭道成將至回張敬兒詐降於休

自登城南臨滄觀道成將至回張敬兒詐降於休

大勝關

在府西南三十里其地即大城港鎮有大城港旁有壠阜亦曰大城港宋置巡簡寨紹興二年復置烽火臺元為大城港水驛亦曰大城港鎮明初

讀史方輿

卷二十

江南二

器

敷文閣

置大勝關港亦曰大勝港陳友諒來侵太祖命楊璟駐兵大勝港友諒至璟禦之友諒見港水狹即

退出大江趨江東橋敗去今有巡司兼置驛於此東北至江東巡司二十里

龍江關

在儀鳳門外明初禦陳友諒使張德勝等出里大江邊舟楫輻輳於此為南北津要又新江關

在江東門外出中河渡江二十里達江浦口明初置江東巡司兼置驛於此亦曰新江口江防治

中駐馬舊志江東巡司在江新江關外秣陵鎮巡司在夾岡門外江淮巡司在江新江關外秣陵鎮巡

新江關內龍江水馬驛在通江橋西淳化巡司在里元縣東四十五里大勝驛在江寧縣西南三十

管東至觀音門東北至草鞋夾皆二十里

靖安鎮

在府西北二十里本曰龍安鎮以鎮有龍灣也度宣化而去岳飛邀敗之於靜安鎮既而兀朮為韓世忠所扼乃繫老鶴河故道通秦淮飛復敗之

於牛頭山元木進次龍灣飛營於南門新城與戰
又毀之元木遂自龍灣出江又為韓世忠所敗新
城一作新亭龍灣即靖安也呂氏祖曰靖安與真
州宣化鎮分江為界自宣化至盤城竹墩上下瓦
梁乃泗州之間道其斥埃戍守不可不嚴有靖安
河亦取道真州之徑也元置龍灣水站明初陳友
諒突犯金陵太祖命康茂才守龍灣
灣即此志云龍灣在府北十五里
金陵鎮府南六十里本名陶吳鋪宋改為鎮元設稅
師敗陳堃先於秦淮水上追
之至此鄉民執堃先殺之
廷尉壘在府北舊廷尉寺舍地劉裕禦盧循築查浦
淮口○新竹砦在府西南宋開寶七年曹彬伐南
唐敗其兵於新竹砦又敗之於白鷺洲及新林港
也是

朱雀桁今聚寶門內鎮淮橋即孫吳之南津橋晉之
朱雀桁也胡氏曰橋在孫吳建業宮城朱雀
讀史方輿卷二十江南二 聖 敷文閣

門南跨秦淮水南北岸以渡行人自吳以來已有
之亦謂之南航以在臺城南也亦謂之大航以秦
淮諸航此為之最也晉永嘉初陳敏竊據建業其
將錢廣等謀討之勅兵朱雀橋南敏使甘卓擊廣
卓遂與廣合斷橋收船南岸大寧二年王敦使王
含犯建康奄至江寧南岸溫嶠燒朱雀航以挫其
鋒自是以泊船為浮航航長九十步廣六丈每有
警則撤航為備宋武陵王駿討元凶劭魯秀等募
勇士攻大航克之元徽中江州刺史桂陽王休範
逼建康軍至新林遣其將丁文豪別趣臺城自阜
茨橋直至朱雀橋南時別將杜黑驪方力攻新營
不克亦捨新亭北趨朱雀桁劉劭議撤桁以折南
軍之勢王道隆不許南軍遂渡淮中外大震齊東
昏侯末蕭衍東下至新林命諸將分據要害李居
士請於東昏侯燒南岸邑屋以開戰場自大航以
西新亭以北皆盡繼而東昏侯遣將軍王珍國等
陳於朱雀航南開航背以絕歸路衍將王茂等南
前奮擊東軍大潰赴淮死者無算梁太清二年侯
景犯建康至朱雀桁南時庾信守朱雀門帥兵陳
於桁北太子綱命開桁以挫其鋒臨賀王正德沮

其議景至信乃帥眾開柙始除一船景軍突至信棄軍走正德黨沈子曉時為南塘遊軍復開柙度景景遂入宣陽門既而援軍至蔡洲景悉驅南岸居民於水北焚其廬舍大柙以西掃地俱盡三年柳仲禮等以西道軍自新亭徙營大柙節度王綸等復自東道至俱列營柙南承聖元年王僧辨等討侯景景復於航南緣淮作城拒守敬帝初齊兵犯建康入石頭陳霸先遣韋載於大航築侯景故壘使杜稜守之齊人敗去紹泰二年齊兵復自蕪湖渡江至秣陵故治霸先仍遣杜稜頓大航南岸者之蓋六朝時建康有事未有不急備大航南岸者建康記朱雀門北鄒朱雀門孫吳時曰大航門門北直宣陽門五里南直國門六里晉咸康二年始曰朱雀門或曰太元三年所改建設兩銅雀於其上宋大明五年立南北二馳道自閭闔門至朱雀門為南馳道自承明門至元武湖為北馳道子業初立罷之一云是年改朱雀門曰古臯門梁大同二年始復曰朱雀門太清二年侯景入犯臨賀王正德叛附景朝廷不知其情使屯朱雀門景至航南復使屯宣陽門而庾信守朱雀門陳禎明未隋

讀史方輿

紀要

卷二十

江

敷文閣

軍渡江任忠自吳興入赴仍屯朱雀門既而忠降隋引韓擒虎入朱雀門蓋門與航相因以稱也輿地志自石頭東至運瀆總二十四航相傳晉咸康中所立惟朱雀為大航與竹格驃騎丹陽為四航寧康元年詔除丹陽竹格驃騎等四航稅是也自隋滅陳諸航始廢楊吳雖復修治而無復前規今自鎮淮橋而下跨秦淮南北者大抵非六朝之舊也

竹格渚航

在朱雀航西晉大寧二年王敦將沈充錢將戰劉暹蘇峻自南塘橫擊大破之胡氏曰南塘

即秦淮之南塘岸也六朝時又有南津校尉亦以督察秦淮

南岸而各

驃騎航

在故東府城南秦淮河上金陵志晉太元中東府城橋一云梁臨川王宏為驃騎大將軍居東

府橋因以名亦謂之小航對大航而言也陳大建末後主弟叔陵據東府作亂肅摩訶攻之叔陵率

步騎自小航度欲趨新林乘舟奔隋不克而死禎

明末沈衆入援京邑頓於小航對東府置陳即驃
騎航也又有丹陽後航在丹陽郡城後亦跨秦淮
爲四航之一外又有楊航在石頭左右温嶠欲救
匡術於地城別駕羅洞曰不如攻楊航術圍自解
是也陳

羅落橋

府東北四十里地名石步鎮亦名石步橋劉
橋又斬元將皇甫敷是也陳霸先自京口襲王僧
辨於石頭使別將徐度等帥水軍前發霸先帥馬
步自江乘羅落橋會之羅落橋本屬江乘縣緣水
設羅落之所自京口趨建康此爲大路橋下有羅
落浦受攝湖之水北入大江

菰首橋

在今宮城東南梁太清二年高州刺史李遷
仕等援臺城與蕭嗣等進營於青溪東遷仕
等率銳卒深入進至菰首橋東爲侯景伏兵所敗
橋蓋在青溪上亦名走馬橋金陵記青溪舊跨七
橋七橋者自北而南曰東門橋尹橋鷄鳴橋募士
橋菰首橋中橋大橋也齊東昏侯時始安王遙光

讀史方輿

卷二十一

江南二

七

敷文閣

據東府以叛遣蕭坦之討之坦之屯湘宮寺左興
盛屯東籬門曹虎屯青溪中橋遙光兵敗見殺高

州今廣

張侯橋

在府南盧循犯建康焚查浦至張侯橋劉裕
將徐赤特擊之爲賊所敗又侯景逼建康度
朱雀桁蕭正德帥衆於張侯橋迎
景入宣陽門蓋秦淮北岸橫橋也

飲虹橋

在府西南秦淮南河上吳時謂之新橋運漬絲
此入秦淮南唐時謂之萬歲橋後又曰飲虹橋
宋乾道五年守臣史正志重建上爲大屋數十楹
與鎮淮橋並稱壯麗自是俱與鎮淮橋屢經修葺
蓋津要相亞也今仍曰新橋橋北爲斗門橋舊名
禪靈寺橋金陵志新橋對禪靈渚渡是也今斗門
橋在三山門內其下卽水關爲運漬入秦淮處又

天津橋在上元縣治西宋時在行宮南面本名虹
橋政和中蔡疑改建因曰蔡公橋建炎中改
今各郡志古運漬自此合於青溪今各內橋

長樂橋

在鎮淮橋東亦曰長樂渡志云上元縣東南
六里爲桐樹灣秦淮曲折處也舊多桐樹因

名灣東北有浮航即故長樂橋今廢蓋秦淮橫正
京邑中曲折不一其近東治亭者曰汝南灣東晉
初汝南王宏借元帝渡江時居此也又有舟子洲
亦近鎮淮橋梁天監十三年以朱雀門東北淮水
紆曲數有水患又舟行旋衝太廟灣乃鑿通中央
為舟子洲諸郡秀才之上計者皆憇止於此金陵
記洲在城南隅周回七里當朱

大中橋

在今宮城西南唐時東門橋也旁有白下亭
因名白下橋宋嘉泰四年重建改曰上春橋

明曰大中橋又西曰淮青橋秦淮青溪之水會於
此舊亦名東水閘○武定橋在鎮淮橋東北宋淳

熙中建名曰嘉瑞浮橋景定二年更名亦曰上浮
橋時以長樂橋為下浮橋也又通濟橋在今通濟

門外又東南曰中和橋又東南為
上方橋皆秦淮諸橋之最著者

葛橋

在方山東南劉宋元徽四年建平王景素舉兵
京曰李安民破之於葛橋即此又有銅橋在上

元縣東二里五代史南唐昇元三年講武於銅駝
橋是也○周郎橋在府東八十里相傳周瑜從孫

紀要

策破秣陵下湖
熟此其所經云
讀史方輿卷二十 江南二 吳 敦文閣

北郊壇

在覆舟山南晉成帝咸康八年所立也隆安
二年王恭等作亂詔王恂守北郊廬循入寇

劉裕使劉敬宣屯於此梁敬帝時齊軍至元武湖
西北將據北郊壇陳霸先帥眾軍自覆舟山東移

頓培北以押之是也志云北郊壇宋大明三年嘗
移於鍾山北原尋復舊又有南郊壇在城西南南

史晉築南郊壇在臺城巳位宋大明三年詔
移於牛首山西直宮城之午位未幾復故

耕壇

在府東志云在故臺城東南八里外制為耕壇親行籍
年詔度宮之辰地八里外制為耕壇親行籍

田處也梁敬帝初徐嗣徽等引齊兵犯建康至湖
熟陳霸先使侯安都拒之於高橋又戰於耕壇敗

之高橋金陵志在上元縣東
十五里今高橋門是其處

龍首倉

在石頭城亦謂之石頭津倉江左置時又有
臺城內倉南塘倉常平倉東西太倉東宮倉

在外有豫章鈞磯錢唐等倉金陵記吳置倉城
在苑城中亦曰苑倉即東晉以後之太倉也

牛屯

在府東南吳孫皓寶鼎初永安山賊施但等劫吳主庶弟謙作亂北至建業未至三十里時丁

固等留鎮建業逆戰於牛屯即時敗散胡氏曰牛屯去建業城二十一里永安今湖州府武康縣又

有秣陵故治陳霸先遣周文育屯方山徐度頓馬

牧杜稜頓大航南以禦之蓋皆舊時閑牧馬牛之地志云今有牧馬橋在府西南三十里臨牧馬

浦其水流入秦淮晉永和十置馬牧於此自宋至陳皆因之橋因以名又府西南六十八里有牧牛

亭亦六朝故址云

華里

在府西南孫皓建衡二年大舉兵出華里從牛

輿程記自牛首山東行四十里至此又東北四十里為高橋門又東四十里為高廟郎句容縣往來

也

愛敬寺

在蔣山西梁武帝所造太清二年邵陵王綸赴援臺城營於蔣山因山巔寒雪乃引軍下

讀史方輿紀要

卷二十一

江南二

巽

敷文閣

愛敬寺既而戰於元武湖側軍敗走入天寶寺景

又定林寺舊在蔣山頂應潮井後齊東昏侯嘗射

獵至此○法輪寺在府城北覆舟山下齊崔慧景

者閣寺

在府東北耆一作祇今鷄鳴山西有祇閣山

命蕭摩訶屯樂遊苑樊毅屯耆閣寺魯廣達屯白

土岡孔範屯寶田寺寶田寺蓋在白土岡南○湘

宮寺在府東青溪之北宋明帝或初為湘東王及

禪靈寺

在府西南梁承聖初王僧辨至張公洲乘潮

王僧辨與侯景戰處也○長樂寺在臺城南梁紹

泰二年齊兵至倪塘遊騎至臺城門外陳霸先總

禁兵出頓長樂寺是也今皆埋廢

同泰寺

在故臺城後苑中梁大通中建自是四舍身
寺中大同十一年同泰寺浮圖災乃更起十
二層浮圖將成值侯景亂而止及景圍臺城其黨
范桃棒據同泰寺志云同泰寺基楊吳順義中起
千福院宋為法寶寺後為精銳中軍寨明為旗手
衛營地○光宅寺在府東南梁天監初以三橋舊
宅為光宅寺三橋舊志在秣陵縣同夏里十七年
帝幸光宅寺有盜伏於驃騎航上將行心動乃於
朱雀航過是也

靈谷寺

在外城內鍾山之陽金陵記蔣山寺舊在山
南本名道林寺梁曰開善寺宋曰太平興國
寺後為蔣山寺明因孝陵奠焉乃移於東麓賜名
靈谷寺又有漆園桐園櫻園俱在鍾山之陽洪武
初以造海運及防倭戰船所用油漆櫻纜為費甚
重乃立三園植櫻漆桐樹各千萬株以備用而省
民供焉

莊嚴寺

在府城南梁太清三年百濟入貢見城闕荒
圯異於嚮來哭於端門外侯景怒錄送莊嚴
寺陳永定二年捨身大莊嚴寺是也又半山寺在
舊城東七里東距鍾山亦七里其地各白蕩積水
為患宋元豐中王安石居此乃鑿渠決水通城河
尋捨宅為寺賜額曰保寧禪寺後即東冶亭也

紀要

讀史方輿

卷二十一

江南二

敷文閣

句容縣

府東九十里東至鎮江府丹陽縣九十里東北
至鎮江府一百里漢初置縣屬鄣郡以縣有句
曲山而名武帝封長沙定王子黨為句容侯元封中
屬丹陽郡後漢至六朝皆因之隋平陳屬揚州大業
初屬江都郡唐武德四年於縣置茅州七年州廢縣
屬蔣州尋又屬潤州至德二載屬江寧郡乾元初屬
昇州尋還屬潤州大順初仍屬昇州宋天禧四年改
名常寧尋復舊名城周二里有奇編戶二百五十二
里

茅山

在縣東南四十五里山高三十里周百五十里
初名句曲山又名乚山皆以形似名吳越春秋
禹巡天下登茅山以朝諸侯更名為會稽亦曰苗
山茅山記秦始皇三十七年遊會稽還登句曲今
茅山北垂有良常秦望諸山以始皇名也漢有三
茅君得道於此因謂之三茅峯梁陶宏景亦隱居

此山道書以為第八洞天第一福地有三峯並秀其支山別阜隨地立名者約三十餘山連峯疊嶂南達吳興天目諸山大抵皆茅山也又有峯巖洞壑岡壘泉澗之屬其得名者以百計唐六典江南道名山之一曰茅山亦見鎮江府金壇縣

絳巖山 縣西南三十里本名赤山亦曰赭山漢以丹

其下臨湖五季之亂居民多避難其土建炎中鄉民復依之以免禍

華山 在縣北六十里山高九里泉壑殊勝秦淮水源

於此亦曰花山元史至正七年集慶路花山賊能進討反為所敗即此山也

竹里山 縣北六十里塗甚傾險號為翻車峴元和志

口會稽王道子遣兵戍竹里二年恭復叛使劉牢之為前鋒牢之至竹里斬恭別將顏延以隆元與

三年劉裕討桓元自京口詔遣任農夫等將兵討之建平王景素舉兵京口詔遣任農夫等將兵討之

紀要 讀史方輿 卷二十一 江南二 敷文閣

景素欲斷竹里以拒臺軍不果齊永元二年崔慧景自京口向建康東昏侯命張佛護等據竹里為

數城以拒之慧景拔竹里進至查朥是也查朥蓋與竹里相近六朝時京口至建康皆取道於此金陵志縣北舍頭市東有竹里橋南邊山北濱江父

老云昔時路出山間西接東陽遠攝山之北繇江乘羅落以至建康即宋武討桓元之道也胡氏曰

建康府竹篠鎮即竹里地在行宮東北三十里許今自上古元東二十里余婆岡以至東陽乃後世所

開非古路矣上元志余婆岡有蛇盤舖音譌也

戍山 在縣北六十里北臨大江相傳齊沈慶之嘗戍

山在縣西北六十里北臨大江相傳齊沈慶之嘗戍山又望湖岡在縣南四十里志云自山而南又四

十里而達漂水縣

大江 縣北七十里與揚州儀真縣分界又東有斜溝

港四十五里與龍潭鎮並為濱江要地

絳巖湖

縣西南三十里一名赤山湖源出絳巖山縣

上元之田賴以灌溉志云吳赤烏中築赤山塘引

水為湖歷代皆修築後廢唐麟德二年縣令王昕又

嘉因故堤復置尋又廢大歷十二年縣令王昕又

修復之周百二十里立二斗門以節旱潦溉田萬

頃又行百堰堰在縣西南三十五里與斗門同置

湖心有磐石舊為湖水疏閉之節慶歷中葉清臣

知建康府又立石柱刻水則於其上志云百堰堰

亦口栢岡宋元凶劭決破

栢岡方山垵以絕東軍即此

下蜀港縣北六十里俗呼為官港唐上元初劉展以廣

陵叛李峘屯京口以拒之展軍白沙設疑兵於瓜

洲若趨北固者潛自上流濟襲下蜀峘衆遂潰明

年田神功討展於京口亦遣別將自白沙濟西趨

下蜀擊展敗之宋紹興十一年金亮南侵虞久文

駐京口命張深守滁河口扼大江之衝以苗定驛

下蜀為援下蜀蓋近江津宋置下蜀鎮巡司元廢

紀要

讀史方輿 卷二十一 江南二 敷文閣

白沙今見揚州府儀真縣

官塘河

在縣東五十里東北流入鎮江府丹徒縣界

水舊在城南流入溧陽縣之長蕩湖注於太湖○亭

城東又南與赤山湖合流

經百堰堰下流入於秦淮

破岡瀆

縣東南二十五里六朝時運道也吳赤烏八

上下凡一十四埭其地亦曰破嶺亦曰破墩亦曰

破岡埭宋元凶劭之亂會稽太守隋王誕等遣兵

向建康劭決破岡埭以絕東軍明帝初孔凱等以

會稽兵應晉安王子勛前軍至晉陵詔巴陵王休

若禦之屯於延陵諸將懼東軍之逼勸休若退保

破岡休若不從又蕭衍東下東昏侯使申胄屯破

墩為建康聲援曹降於衍使弟恢鎮破墩

是也今亦見鎮江府丹陽縣延陵亦見丹陽

大業壘

在縣北晉蘇峻之亂會稽吳興義興吳郡皆

等乃合都鑿屯京口築大業曲阿慶亭三壘以分峻兵勢峻遣兵急攻大業參軍曹納曰大業京口之扞蔽也一旦不守賊兵徑至不可當也陶侃在查浦將救大業長史殷羨曰吾兵不習步戰救大業而不捷則大事去矣不如急攻石頭則大業自解從之賊果引去胡氏曰大業里各在丹陽縣北一統志三壘俱在丹陽縣東四十七里悞也○仁威壘在縣城白羊門內志云蕭梁承聖初有仁威將軍周宏讓城句容以居命曰仁威壘又俗傳達奚將軍嘗屯兵於此亦曰甲城

白土鎮在縣東四十里為句容丹陽之中路元置院四十五里又西四十里

常寧鎮有縣東南四十里宋天禧初置常寧寨於此舊十里接上元縣界○東陽鎮在縣西北六十里宋

置東陽砦巡司於此又東四十里即下蜀鎮宋葉適創瓜步堡屏蔽東陽下蜀蓋置堡於瓜步山志云東陽鎮西南去上元縣六十里雲亭驛在縣治

讀史方輿

卷二十

江南二

垂

敷文閣

西

龍潭鎮

在縣北八十里地有龍潭因名鎮通臨大江明初置巡司兼設龍潭水馬驛建文四年燕王濟江次龍潭是也正統二年復建歲積倉於此為濱江要害○懸蘓橋在縣西十五里相傳周瑜駐軍處又西五里曰周即橋又沈公橋

溧陽縣

府東南二百四十里東至常州府宜興縣九十里南至廣德州百五十里北至鎮江府金壇縣百二十里秦縣屬鄣郡以在溧水之陽而名漢屬丹陽郡吳晉以後因之隋屬蔣州尋改屬潤州後併入溧水縣大業初屬丹陽郡唐初復析置溧陽縣屬宣州後改屬昇州宋因之元至元中升為溧陽路尋降為縣元貞初又升為州明初復為縣

舊縣城

置於固城在今高淳縣界隋并入溧水縣唐武德三年復置溧陽縣蓋治此天復二年始移今治宋置舊縣巡司於此今猶謂之舊縣村

永世城

縣南十五里三國吳分溧陽縣置永平縣晉

復屬丹陽郡劉宋泰始初晉安王子勳舉兵尋陽

會稽義興諸郡皆應之兵至永世宮省危懼即此

平陵城

縣西北三十五里晉大興中分永世溧陽置

晉咸和四年平蕪峻之亂其黨張健等西趨故郢

縣廢

菱山

縣西六里東面石壁削成上有龍潭又西四里

此山下錫華山在縣南四十

鐵山

縣東南五十里嘗產鐵今有坑冶遺址又東南

又縣西南七十里昔產銅今石中猶瑩然如楚狀

讀史方輿

紀要

卷二十

江南二

五 敷文閣

伍牙山

在縣西南六十里相傳伍子胥伐楚還建牙

銀樹東壩至護牙山敗宋兵即此○石門山在縣

西南二十里有兩山相拒如門又石屋山在縣南

瓦屋山

在縣西北八十里山形連亘兩崖隆起其狀

如屋其相接者又有鴉髻山有兩峯並聳俗

各了頭山北去旬容七十餘里○分界山在縣西

呂山

縣東北二十五里洮湖之上宋德祐初蒙古陷

建康轉運判官趙淮起兵溧陽宜興間屯據呂

於此山之巔

漂水

縣西北四十里即永陽江也一名瀨水相傳子

胥乞食投金處今其地有投金瀨亦曰金淵漢

志注溧水出南湖祥符圖經溧水承丹陽湖東入
長蕩湖丹陽湖即南湖也溧水經溧水溧陽又南
接宜興縣之荆溪元和志溧水在溧陽縣南六里
蓋指舊縣治而言也張鉉曰諸家謂溧水西北出
曹姥山經溧水州界又經溧陽州而東合於永陽
江非也溧水即永陽江之上源大江南岸之水多
會於此江上有渚曰瀨渚又謂之陵水范睢說秦
昭王子胥出昭關至陵水是也自瀨渚東流為瀨
溪鄉民誤曰爛溪入長蕩湖又分流東行為吳王
漕蓋五代時楊行密漕運所經也自東壩築而丹
陽湖之水不復入於溧水永陽江之源流亦滋晦
矣水利攷永陽江亦曰頓陽江古名中江又謂之
江九陽

長蕩湖

縣北二十里一名洮湖中有大浮山西南去
縣四十五里陶隱居所云石孤聳以獨絕岿

黃山湖

在縣西二十七里黃山下湖周五十里又三
塔湖在縣西七十里周四十里一名梁成湖

紀要

讀史方輿

卷二十

江南二

敷文閣

俗名三塔堰稍西南曰昇平湖五堰之水東流注
於湖又有溪水自建平縣之梅渚來會焉下流俱
合於永陽江○千里湖志云在

白雲溪

在縣東十里一名白雲溪逕縣境之水多滙流
於此清澈可鑒東流會於宜興縣之荆溪又

高友溪在縣南二十里源出廣德諸山聚而為溪
經黃墟蕩合於白雲溪又舉善溪在縣南三十里
亦出廣德諸山會
眾流合於高友溪

百丈溝

在縣南三里一名百步溝源出縣南五里之
燕山東北入白雲溪舊有壩三十四瀦水溉

田歲久淤塞宏治初縣令楊榮因故址開濬中存
九壩民賴其利又練車涇在縣南十里西接黃墟
蕩東北入於白雲溪歲久淤塞成化中知縣熊達
疏濬為灌溉之利○經瀆舊志云在縣北三十里
自金壇縣境流經縣界入長蕩湖晉宋間有此瀆
隋大業中縣令達奚明又加疏濬今堙又葛涪滄
在縣西十五里昔周四十五里又西五
里曰新昌滄互相通注引水溉田今淤

廣鎮縣西百十里西北至高淳縣六十里為分界

用伍員計開河以運糧東通太湖西入長江因各

胥溪河其後漸堙唐景福二年孫儒圍楊行密於

宣州行密將臺濠作魯陽五堰拖輕舸饋糧故得

不困魯陽蓋五壩旁地各也壩西北有吳漕水亦

以行密而名宋時五堰漸廢改為東西二壩壩卑

薄水易泄故高淳無水患而蘇常湖三州當太湖

委流被害尤甚宜興進土單鏐因議復築五堰阻

上流諸水使不入荆溪下太湖蘇軾建石閘開始

避江險洪武初定鼎金陵以蘇浙糧道自東壩入可

命曰廣通鎮又鑿溧水縣縣脂岡引丹陽諸湖之

水會秦淮河以入江自是蘇浙之漕皆自東壩直

達金陵永樂初蘇松水災特甚是時運道亦廢於

是修築東壩高厚至數十丈嚴禁決瀉以蘇下流

水患今商賈往來多

集於此餘詳高淳縣

陶莊在縣北八十里鴉髻山東有公館為溧陽句容

之通道宋志縣北三十五里有山前巡司○週

紀要 讀史方輿 卷二十一 江南二 奕 敷文閣

城埠在縣西南四十五里宋末土人嘗結寨築城

於此以禦侵暴週迴濠迹尚存亦曰周城又上興

埠在縣西北六十里舊有巡司戍守

溧水縣 府東八十五里東北至句容縣八十里西南至

寧國府二百里本溧陽縣地隋開皇十八年改

置溧水縣屬蔣州大業中屬丹陽郡唐武德三年杜

伏威遣輔公祏攻李子通渡江克丹陽軍於溧水子

通平縣屬揚州九年改屬宣州乾元初又屬昇州尋

復故大順二年賊將孫儒渡江自潤州而南至溧水

楊行密自宣州遣其將李神福襲敗其前軍是也宋

仍屬昇州元元貞初升為溧水州明初復為縣今城

周五里編戶二

百五十五里

中山 縣東十里孤聳不與羣山接一名濁山輿地志

濁山有濁水流演不息相傳山出兔毫為筆工

妙○東廬山在縣東二十里有水三源一為

秦淮河一入馬沉港一為吳漕河入丹陽湖

杜城山 縣東南十二里相傳隋大業末杜伏威屯軍

於此下有杜城又官塘山在縣東二十五里

一名官山麓有大塘築堰以資灌溉其旁為官塘鎮

芝山

在縣東南七十里上有李子洞泉出沸湧相去三百步又有燕洞產石燕中容數千人揚吳將田頴作亂邑人嘗避兵於此○銅山在縣西南四十五里山產銅昔嘗鑄治於此

秦淮水

在城西自東廬山西流經縣治南又西北至方山埭與華山所出之秦淮河合而入上元

縣境

臙脂河

縣西十里其地有臙脂岡因名明洪武中議通蘇浙糧運命崇山侯李新鑿開臙脂岡引石舅湖水會於秦淮以為運河永樂初廢

石臼湖

縣西南四十里接高淳縣及太平府當塗縣界湖西南與丹陽湖相連一望渟泓中有軍山塔子馬頭雀壘等四山又丹陽湖亦在縣西南七十里一名路西湖昔時大江以南太湖以西之水多滙於此流入太湖今引流西北經太平府蕪湖縣入於大江○沙湖在縣南六十里周五十餘

讀史方輿

卷二十一 江南二

五七

敷文閣

畝為堰以資灌溉

馬沉港

縣東南三十七里出縣東五十里分界山流入石臼湖又蒲塘港在縣南二十里源出溧陽縣境之方山下流亦入於石臼湖一名浦里塘三國吳永安三年丹陽都尉嚴密議建丹陽湖田作浦里塘久之不成即此

高淳縣

府南百四十里西至太平府蕪湖縣百里本溧水縣之高淳鎮宏治四年分置縣嘉靖五年始築土城周三里編戶一十二里

固城

志云在縣南十五里春秋時吳所築為瀨渚邑周景王五年楚使子圍敗吳軍於此城陷於楚漢置溧陽縣蓋治於固城後城邑遷徙此城遂廢宋為固城鎮今因之

學山

縣治東一里學宮在其旁因名又縣治在鎮山十里山多松栢又東南三十里為花山

固城湖

在縣西南五里有小四派匯流成湖西通石

廣通壩又縣治南臨淳溪河即固城湖支流也志

云縣南六十餘里有大山其水北流入固城湖曰

丹陽湖

縣西南三十里中流與當塗縣分界湖周一

者為桐水出溧水縣東廬山者為吳漕水俱匯於

丹陽湖分二流一西出蕪湖一北出當塗縣姑熟

溪俱注於大江○石臼湖在縣西二十里與當塗

余家堰

縣東南七十五里金陵志溧水州東南百里

曰林稍東南曰分水堰又東南五里曰苦李堰又

五里曰何家堰又五里曰余家堰所謂五堰也楊

吳時曰魯陽五堰今謂之東壩界高淳溧陽二縣

之境○余家堰在縣東南四十里舊志亦以為五

堰之一

今廢

敦文閣

廣通鎮

縣東南六十里與溧陽縣分界即東壩也又

東壩亦呼為銀樹東壩即楊吳五壩之地唐景福

二年楊行密將臺濛作五堰以拽饋運輕舸是也

蘇軾曰五堰以障宣歙金陵九陽江之水使人蕪

湖其後販賣鱸木入東西二浙者以五堰為阻遂

廢去而東西壩列焉於是宣歙諸水多入荆溪間

有入蕪湖者亦西北之源而非東南之流也志云

五壩即分水銀樹雙河東壩之地銀樹者以石室

堰復鎔鐵淋石以固之也蘇常承中江之流恒病

漂沒五堰築則中江不復東而宣歙諸水皆自蕪

湖達大江宋德祐初以元兵漸迫臨安遣趙淮成

銀樹東壩既而元將阿刺罕破銀樹東壩遂克廣

德軍四安鎮今自太湖宜興至東壩不二日便徑

達會城蓋又為戍守重地矣輿程記東壩北至溧

水縣一百二十里東北至金壇縣一百六十里西

南至寧國府一百二十里西北至太平府百六十

里南至廣德州百四十里明洪武中嘗建置石閘

以均節五堰之水永樂初復改築土壩兼設廣通
鎮巡司并僉溧陽溧水人夫防守禁止盜泄正統
宏治中皆增築之嘉靖初復
修治蓋東南水利所關也

江浦縣 府西四里西北至滁州百里本六合縣地明
洪武九年始分六合縣及滁和二州地置縣於

浦子口二十四年又割江寧一鄉隸之移治曠
口山之陽即今縣也縣無城編戶二十四里

東葛城 縣西北三十五里志云蕭梁時僑置臨淮郡
治東葛城是也舊為館驛又有西葛城在縣

西北四十里魏志臨滁郡治葛城領懷德縣懷德
見下六合縣○浦子口城在縣東三十里明洪武

四年立應天衛命指揮丁德築城於此周十四里
有奇九年置縣治焉縣尋移今治而城如故為南

北津渡
之要

龍洞山 縣西二十五里西接天井山東連西華山及
馬鞍山又定山在縣東北二十五里即六合

縣之六合山亦與龍洞山相接○四潰山在縣西
南七十里俗呼四馬山又縣西南四十五里有陰

紀要
讀史方輿
卷二十
江南二
堯
敷文閣

陵山舊志以為項羽
敗走處蓋傳訛也

黃悅嶺 在縣西北十五里又駱駝嶺在縣東北二十
十里亦為

東西通道

大江 在縣東南三里其地曰江淮關口向設江淮驛
有新江口渡又縣東八里曰八字溝渡縣西南

十五里曰西江口渡又有新河口渡在縣西南百
里和州界皆濱江處也而最衝要者曰浦子口渡

自此渡江至府城觀音門二十里而近一名安陽
渡江防攷浦子口西二十里為江淮巡司舊屬應

天府司東至瓜埠八十里西至和州浮沙口亦八
十餘里中間有穴子河在縣南四十里又南二十

里為芝蕨河皆江水灌注處也其東為王家
套八字溝洲渚汊港縱橫錯雜並為險要

浦子口河 縣東二十里源出定山繇浦子口西入江
志云浦子口有左右二水環抱縈回各東

西溝云又沙河在縣東三十里宋天禧中范仲淹
領漕事以大江風濤之險開此河引江水支流下

至瓜埠入江即六合縣之長蘆河也

後河

經縣西北三十五里即滁河之下流自滁州東流步入江志云縣西北有費家渡道出滁州

高望鎮

縣西南二十里又縣西三十里有香泉鎮以泉明初賜名香泉又烏江鎮在縣西南

六合縣

府北百三十里東至揚州府一百三十里東南至儀楚之棠邑襄十四年楚子囊師於棠以伐吳又伍尚為棠邑大夫是也漢為棠邑縣屬臨淮郡後漢屬廣陵郡三國時為吳魏分界處晉復屬臨淮郡惠帝永興元年分立棠邑郡太元四年苻秦寇淮南遣將毛安之率眾屯棠邑即此安帝改為秦郡又改置尉氏縣宋因之齊永明初罷秦郡以尉氏縣屬齊郡梁仍屬秦郡或亦謂之新秦侯景置西兗州於此又遣其黨郭元建為北道行臺鎮新秦是也尋改置秦州北

讀史方輿

卷二十

江南二

卒

敷文閣

紀要

齊亦曰秦州又為瓦梁郡陳曰義州後周曰方州又改郡為六合郡隋初郡廢以尉氏縣為六合縣大業初州廢縣屬江都郡十二年杜伏威起兵屯於六合明年隋將陳稜討之為伏威所敗唐初復置方州貞觀初罷屬揚州南唐於此置雄州周仍為六合縣顯德三年時韓合坤襲克揚州唐遣兵來爭周主命趙匡胤軍六合揚州之守始固宋屬真州元因之明洪武三年改屬揚州府二十二年又改今屬舊有土城周七里今廢

棠邑城

在縣北漢縣也晉改置尉氏縣蕭梁仍置棠邑縣東魏又增置橫山縣陳因之並屬秦郡

後周又改橫山為方山縣隋開皇四年俱省入六合縣今設棠邑驛在縣治東○秦縣城在縣西北

東晉末僑置秦縣為秦郡治

瓜埠城

在縣東二十五里瓜埠山側蕭齊建元初自鬱洲徙齊郡治瓜埠城蓋是時所築也鬱洲見淮安府海州

胡聖城 在縣東六十里南岸對石頭城梁敬帝初徐
於胡聖渡米載馬以濟之陳霸先遣侯安都夜襲
胡聖燒其船斷其運道又陳大建五年吳明徹等
伐齊克秦郡瓜埠胡聖二城皆降十一年復沒於
後周十三年周羅暉攻隋胡聖拔之明年歸胡聖
於隋以請和

懷德城 在縣西宋志大明五年立又以歷陽之烏江
并二縣立臨江郡懷德縣屬焉東魏屬臨滁
郡後齊縣廢臨滁
今滁州全椒縣

瓜步山 縣東二十五里亦曰瓜埠東臨大江宋元嘉
二十七年魏主燾至六合登瓜步隔江望秣
陵才數十里因鑿山為盤道於其上設壇殿魏史
謂起行宮於瓜步是也二十八年魏師還帝如瓜
步既而使沈慶之徙彭城流民數千家於瓜步三
十年武陵王駿討元凶劭至新亭豫州刺史劉遵
考亦遣其將夏侯獻之軍於瓜步大明七年帝如
瓜步山廢帝子業時義陽王景舉兵彭城旋奔魏

讀史方輿 紀要 卷二十一 江南二 瓜步山 敷文閣

子業因自白下濟江至瓜步齊志建元初徙齊郡
治瓜埠即此東昏侯末命李叔獻屯瓜步叔獻降
於蕭衍梁紹泰二年徐嗣徽引齊兵犯建康陳霸
先潛遣將沈泰渡江襲齊行臺趙彥深於瓜步獲
艦百餘艘粟萬斛陳大建十一年閔武於瓜步觀
山命陳景帥樓艦出瓜步江振旅而還唐至德二
載永王璘作亂自當塗進據丹陽淮南採訪使李
成式等遣兵軍於瓜步廣張旗幟列於江津璘黨
望之始有懼色相率來降五代周顯德三年侵唐
淮南遣趙匡胤軍六合唐主遣其弟齊王景達將
兵二萬自瓜步濟江距六合二十餘里設柵不進
數日乃趨六合為匡胤所敗鮑昭云瓜步江中之
形小山耳徒以因迥為高據絕作雄臨清瞰遠擅
秀含奇亦居勢使之然也江防攷自瓜步渡江為
唐南渡至南岸二十里又二十五里
即南京之觀音門也向設瓜步巡司

六合山 縣西南六十里亦名六峯山有寒山獅子石
今五峰在縣境芙蓉高妙等峰互相拱抱縣以此各
巖壑之勝又盤城山在縣南五里舊志云下有盤

城宋置步軍司莊及兵寨於此

桃葉山

縣南六十里隋初置六合鎮於此開皇九年

之西為宣化山北接盤城山下為宣化鎮

靈巖山

在縣東十五里山巖高峻泉石秀美為縣之

嘗保聚此山又咸淳中施忠亦拒敵於此其相接

者曰方山昔皆以山名縣○滁口山在縣南十八

馬頭山

縣東北三十五里山勢雄秀泉石奇勝又有

敗金人於此○冶山在縣東北五十里相傳吳傳

吳王濞鑄錢處其相接者曰牛頭山峯巒聳秀高

三山

在縣西北六十五里接天長來安二縣界竹鎮

讀史方輿

卷二十一

江南二

空

敷文閣

里山之西復有一山連亘於來安縣界曰西龍山

赤岸山

在瓜埠東五里下臨江中南苑州記云湖水

璞江賦所稱鼓洪濤於赤岸也寰宇記山高十二

丈周四里臨大江土色皆赤因名○蜀岡在縣東

北三十里南接儀真東連江都綿亘數十里相傳

大江

在縣東南三十里自江浦縣流入境與上元縣

為自昔衝要處

滁河

在縣治西南自滁和州界會五十四流之水入

合為一流經縣治復東南至瓜埠入江即古滁水

也陳大建五年吳明徹攻齊秦州前江浦通滁

水齊人以大木立柵水中明徹遣別將程文季攻

拔其柵遂克之宋紹興三十年金亮南侵造三廂

豬滁水塞瓜埠口虞先文自采石還京口命張深
守滁河口扼大江之衝以苗定駐下蜀為援是也
詳見大川涂河

冶浦河

在縣東二里源出牛頭山北通天長南入滁
河又沙河在縣南長蘆鎮亦曰西河亦曰長

蘆江自江浦縣導流入境宋會要天聖三年發運
使張綸請開真州長蘆口河屬之江是也志以為
范仲淹所開又東溝水亦在長蘆鎮

河子溝

縣東南二十五里舊名急流江今日急水溝
宋淳熙初所開新河也下流入於大江溝北

又有岳子河志云元木屯瓜步時岳飛遣子雲鑿
此河襲之因名俗呼為鴨子河○陳里港在縣南
二十五里南接瓜步西入揚子江元設巡司於此

瓦梁壘

在縣西五十五里西北距滁州八十五里即
孫吳所作涂塘處也亦曰瓦梁城陳大建五

年吳明徹敗齊軍於石梁瓦梁城降明初與元兵
相持於瓦梁壘其處有東西二城紀勝曰瓦梁堰

讀史方輿 卷二十 江南二

敷文閣

即涂塘也堰上有瓦梁城亦曰吳王城在姜家渡
西即孫權屯兵處宋嘗修故城開四門今餘址尚
存江防致姜家渡在縣西四十里亦各新渡口張
氏曰自瓦梁下船直至滁河口便入大江此防守
要地也石梁見泗州天長縣

長蘆鎮

在縣南二十五里濱長蘆江舊為戍守處齊
建元初魏人南寇分軍守長蘆梁大寶初蕭

會理等以侯景出屯皖口建康中虛謀誅王偉使
蕭又理出犇長蘆集眾得千餘人事覺被殺又有
長蘆寺宋淳熙十三年徙寺於滁口山之東張舜
民曰長蘆鎮在滁河西南宋設沿江巡官監稅渡
今亦見揚州儀真縣界

宣化鎮

在縣南六十里六合山東濱宣化江有宣化
渡亦曰五馬渡晉元帝與諸王渡江處也南

岸對建康之靖安鎮最為衝要舊有晉王城相傳
即隋伐陳時晉王廣所築宋置巡司及稅務於此
紹興十一年張浚救濠州為金人所敗馳入宣化
尋議築城駐守不果吳表臣言大江下流最急者

有建康之宣化是也張氏曰自滁州全椒縣出宣化渡則徑達建康靖安鎮又泗州盱眙有小徑繇張店出瓦梁盤城至宣化不滿三百里元末曾繇此至六合下寨此有事時必守之地也

竹鎮

在縣西北五十里志云宋設巡司及稅務於此又韓世忠及畢再遇敗金人處也或謂卽竹墩

鎮今見泗州○郭墅在縣東五里宋嘉熙中土人立寨拒守於此

士林館

在縣西北梁元帝初齊兵圍秦郡陳霸先赴援大敗齊將郭元建於士林是也志云竹鎮

有士林館

附見

孝陵衛

在京城東北鍾山南麓又濟川衛亦在京城外舊志云國初於京城內設錦衣等三十七

衛於江北設江淮等十衛而城外則設孝陵濟川二衛共四十九衛環衛京師總領官軍三萬餘員名

讀史方輿紀要

卷二十一 江南二

壺

敷文閣

讀史方輿紀要卷二十一終